



何公澤生哀思錄

何公澤生之喪荷蒙  
各界諸公惠賜哀輓輾轉  
鈔謄間有訛誤遠道郵寄  
或有遺失種種疎畧之處  
務乞  
鑒原爲荷  
編者識

特授二等嘉禾章何公澤生哀思錄



澤生先生墨客


德善風高

黎元洪執

像贊



何公澤生遺像






澤生何老先生夫人玉照

君德輝玉  
華夷建業  
澤光僑界  
桂馨五子  
藹然杖國

潔行持躬  
竹帛銘功  
福照羣蒙  
槐懋三公  
容滿春風

南海崔桂平拜題

何公澤三生虞家奠之靈幕






## 香港卅四商行聯合會追悼會之靈幕



香港四行聯合會悼之招待處






香港四商聯合會悼禮堂




( 一 其 )



影 攝 之 前 行 銀 海 上 過 經 殯 送 警 軍

( 二 其 )



影 攝 之 亭 眞



( 三 其 )



靈 柩 之 攝 影

( 四 其 )



孝 子 及 親 屬 送 殯 之 攝 影



( 五 其 )



影 攝 之 殯 送 友 親


( 六 其 )



影 攝 之 殯 送 生 員 學 義 生 澤 會 聖 孔



( 七 其 )



影 攝 之 殯 送 隊 樂 音 軍 陸 港 香


( 八 其 )



影 攝 之 時 西 道 輔 德 過 經 柩 靈



( 九 其 )



聖約翰救傷隊及警察隊送殯之攝影

( 十 其 )



香港官紳到一別亭致祭之攝影



( 一 十 其 )



影 攝 之 祭 致 亭 別 一 到 紳 官 港 香

( 二 十 其 )



影 攝 之 祭 致 亭 別 一 到 士 博 和 旭 羅 偕 泰 文 金 憲 港

誄

文



# 香港華商總會同人

周峻年	吳增祿	黃耀東	黃凱吉
唐溢川	杜四端	談伯韶	鄧肇堅
馮平山	劉德譜	伍耀庭	潘佩如
曹善允	蔡偉夫	余偉賓	區權初
周壽臣	陳碧泉	老潔平	黃伯臣
李右泉	李星衡	高良和	聞申嶽
黃茂林	李佐臣	周頌平	蔡紀南
羅旭和	馬叙朝	盧仲雲	王德光
黃廣田	周東生	周卓凡	張梓川
周雨亭	郭少流	劉毓芸	黃炳耀
鄧志昂	岑伯銘	林香麟	吳啓榮
貝祖詒	李海東	李伯賢	梁基浩
李子芳	李冠春	江貽蓀	傅翼鵬
黃家駿	譚雁湖	李少溪	梁海籌
莫幹生	永豐源	呂維周	宏興號

維

中華民國十有五年八月廿九日本會前副會長

何公澤生病終寓廬嗚呼哀哉 公秉性寬厚器識宏深生平救災恤貧設醫興學暨

一切社會公益諸端倡率尤力本會創立 公實與焉指導提携克有今日雲祇不祐  
竟萎哲人何以哀之述德以聞其詞曰

猗歟何公系出虞封累世積德誕此三雄惟公居次少號神童殷勤自勵大業是崇皇  
仁請業學冠其從行年二九即竟全功服務母校兩易春風誘導以誠不遺愚蒙繼掌  
繹務皇職是供利我僑庶佑我華宗三載考績衆譽僉同乃棄微官投師習律保障人  
權申理枉屈危弱必扶豪強必伐忽忽三年聲名洋溢終嫌依人告休自出舍律而商  
棄名求實於時香海萬國通航商賈所集百貨是藏中外貿遷端賴牙行初試其技九  
龍西倉兩載經營大露鋒芒長公曉生許爲龍驤延入渣甸授以權章二十五年大展  
厥長信孚華夏譽馳外邦知命之年退隱華堂盡學所營付以文郎漫遊歐美周歷重  
洋改刑禮俗訪問周詳所至迎送歡躍如狂非身之榮乃國之光倦遊既返頤養壽康  
當享大年永保天祥何期二豎奪我元良嗚呼哀哉惟公生平宅心至正名不居私財  
不私潤公益是謀公義是競四環更練公創其規團防太平歷任不辭閭閻乂安有口

皆碑憫彼羣庶貧病無歸立院收容用濟傾危東華公立兼顧靡遺并長保良撫育羣  
姬擇以良匹出諸污坭乙卯紀年粵罹浩劫泮水衝堤民幾魚鼈急報求援如聞鳴咽  
悲動於中至爲深切廼輸鉅資廼集時哲踵門募金不吝唇舌急賑克成民免魚穴逾  
年津沽河堤告決輸財恤災一再不竭事聞於廷迭受勳節公憫失學汨設美才學府  
創立首助資財庇以廣厦獎其元魁育才皇仁一例徧栽矯矯劉公提倡聖教救弊起  
衰談忠說孝公贊其業設會立校永助基金遐邇尤效在昔港例墓無邱塋以時移遷  
窀穸不寧乃約別公并及棣生請諸當途假地經營從茲故僑得立佳城利及僑衆澤  
及先靈乙丑夏初巨潮忽作轉運失靈金融枯涸賴有周羅請諸秘閣撥幣濟商萬人  
雀躍乃徵我公分司審度應付咸宜官民交託盛德益彰榮名益維卓追本會公實首  
倡華商團結此爲濫觴排難解紛利溥商場并載及今共守典常緬彼哲人永懷莫忘  
惟公積德食報而厚庭前玉樹七枝抱秀或紹箕裘或專針炙自餘諸郎并皆俊茂福  
祥既集富有遐齡詎意微恙隕此大星噩耗傳動道路涕零豈惟吾儕痛失典型乃知

感人不在于浮名靈輜所過白驥悲鳴嗚呼何公永安幽冥身歿名存死有餘馨魂兮歸來鑒此血誠嗚呼哀哉

香港廿四商行聯合會同人

維

中華民國十五年八月廿六日乃

何公澤生追悼會開會之辰同人等謹以牲蕝庶饒爲誄文以祭于公之靈曰

公之生兮山嶽降靈及其長而抱璞懷珍兮曾聞閭之蜚聲痛商業之凌夷兮拯國家于無形憫吾國之內政不修兮陷黎乂于刀兵知商戰之與羣雄奮鬪兮如振羽翼于鴻溟乃宏學校以造後進兮萃莘莘學子于一庭公既爲商界領袖兮亦爲先覺之明星溯公置身于議政兮鑒國權之剝落痛僑胞之蹇阨兮繩規矩而改錯惟衡平以鑑空兮負紳民之重託嗚呼佛法慈悲兮公爲苦海之慈航世途黯黯兮公爲慧鏡之圓光而今已矣樛崩人萎兮江水泱泱揮老淚而嗚咽兮塵海茫茫安得光天化日兮還

我公而迎諸彼蒼公其來格兮鑒此馨香尙饗

海防安南  
星架坡 出口庄行公義堂同人

維

中華民國十五年夏曆八月二旬有六日廿四商行聯合會公開大會追悼

何公澤生誌哀也夫人同一死死或重於泰山或輕於鴻毛顧視其樹立何如耳蓋士之特立獨行能適於義者世所罕觀況乎見善如不及見不善如探湯求仁得仁行義達道者哉澤生何公少負雄材長更博雅以堅強魄力壯用于社會垂卅年其間勦助政府創辦更練折衷議政與夫組織商會建設墳場廣立義學捐送學額等公益事不勝枚舉其尤偉者則爲仰止尼山推崇聖道謂非尊孔無以救國一語足爲末俗浮夸輩作一棒當頭及今市肆商務繁興膠庠人材迭出終老者得安塋寢味道者得涵聖化何莫非公之偉力有以致之哉所謂立己立人達德達道公其備矣夫同人等方期湛露宏施長沾草木豈意哲人遽萎中外同悲嗚呼生也榮死也哀逝者如斯生者何

若繼述有人光大有入窃爲同人勗之所願後死諸君竟何公未竟之功成何公未竟之業庶何公之身雖死何公之靈不滅嗚呼哀哉尙饗

龍溪高良和謹輓

哀維

中華民國十五年歲次丙寅八月十二日爲

二等嘉禾章何公澤生三虞之辰謹爲辭以誄之曰原夫獄降甫申才推命世曆超甲子範誌考終如

我公研譯學以起家濬財源而利國一生行誼歷史流馨既道載薤歌繫去思而如彼宜詩賡我什垂來許而昭茲功德不磨石金同壽稽其興學校題尊諱士播義聲而況育大學之英才資捐七萬勉諸生以道德言立五千一可紀也稽其護僑會聯華商議參定例遵法律爲保障民願受廬利行旅之交通貨皆互市二可紀也稽其拯災南潦告警北旱紛傳憫飢溺之民情勛同禹稷陋規隨之官樣術邁蕭曹三可紀也稽其團



防衛臻永樂山頌太平奠城社于安寧鼠狐悉遁樹藩籬之鞏固鷄犬無驚四可紀也  
稽其保良位列局紳品孚民望恤螢花之飄泊迅拔蓮泥擇喬木以遷移敢忘棠果五  
可紀也稽其施醫院創東華勳高北斗生死人而肉白骨永戴鴻慈頒方藥而啓青囊  
徧闢鮒涸六可紀也綜公事績豈僅六端蓋世勛名自足千古然社會之叨庇良多家  
庭之遺型尙在要終原始積厚流光當年夏清冬溫早酌烏哺此日金昆玉季頓泣鵠  
原孝友早著爲家風樸誠可質諸天日是以紫薇環拱子姓蕃昌丹桂齊芳孫枝並秀  
方冀萊衣晝永長伸愛日之誠何堪椿樹秋枯陡起昊天之痛愴懷丁鶴甯獨子規續  
考峴山讀羊碑兮墜淚咸宣交趾覽馬柱兮銘心矧其尖沙咀外逝水亦帶離聲大浪  
灣前噩湖何曾匿影怎奈絲紛待解魯失奇男幾疑與濟成空鄭無衆母良可悲已詎  
不悼歟夙欽齒德錫爵并美禾章倏聞訃音問期恰逢瓜及窈歎老成凋謝天不憖遺  
陡教痛哭涕零人深感舊生芻僅束聊抒徐孺吊古之忱故劍未湮願學吳季掛墳之  
誼謹上誄詞仰惟

冥鑒

馬持隆

裕生源庄  
玉洲銀號

維

中華民國十五年夏曆八月廿六日香港廿四商行開會遵悼何公澤生持隆等忝與其列謹爲詞以誄之曰

嗚呼天胡此醉遽失典型溯

公嶽降爲世之英少而折節長操奇贏待人接物佈公開誠身雖閭閻態若儒生富而好禮自戒驕盈貨利聲色屏絕生平臨事堅定重大不驚義方教子各有所成箕裘克紹堂構相承惟

公之志抱負素宏恥于獨善義取犧牲置身議席據理力爭造福僑界咸被幪幘中外景仰聞譽轟轟好行其德醫院是營善量恢廓蔭庇婦嬰倡辦團練地方以寧熱心興學黌舍敷榮澤及枯骨建設墳塋凡茲所述月旦公評倘假以歲德愈昌明福利群衆

豈有限程何天不愍二豎無情騎箕西去我哭失聲挽公乏術空對銘旌世亂方亟誰  
是長城老成凋謝憂心惻惻長天鶴戾無此淒情猿啼兩岸秋月失明萬禩不滅惟  
公之靈照耀千古惟 公之名 公如有知含笑九京嗚呼哀哉尙饗

保生昌號同人等

維

民國十五年丙寅秋八月廿六日同人開會于廿四商行聯合會以追悼

何公澤生先生謹爲文以誄之曰

彼高峯之崔巍兮懷盛德之孤芳  
既江河之浩瀚兮思流澤之孔長  
惟行脩而名立兮垂雅範于商場  
道既通于貨殖兮志尤切于梓桑  
策治安于境內兮乃籌設乎團防  
知衆志可成城兮立總會于華商  
言有重于九鼎兮建宏議于公堂  
日既薄乎西山兮將示予以周行  
嗟秋風之淅瀝兮遽返夫帝鄉  
弔歸魂于何處兮長太息以徬徨  
謹掬誠以致詞兮發潛德之幽光  
嗚呼哀哉尙饗



王棠

維

中華民國十有五年九月二日鄙人王棠謹具蕪詞鞠躬致敬于

特授二等嘉禾章原任香港定例局議員華商總會副會長現充大學堂學董太平局員

澤生何公之案前而誄之曰嗚呼我公生則爲英死而爲靈體強行篤孝友聞名聯商弭盜功莫與京計贏操奇端木現形熱心教育聖道賴興義學提倡僑材有成墳塲建築僑魂以寧慈善事業力辦堅貞哲人其萎痛哭撫膺靈其陟降鑒此丹誠哀哉尙饗

中山公司同人

中華民國十五年歲次丙寅九月二日乃旅港卅四商行聯合會追悼

何公澤生之辰中山公司謹撰蕪詞以達哀慕之忱而誄之曰

維廬江之賢裔兮 卜累世之發祥

前身定具慧根兮 院試輒獲表張

洵熱心乎公益兮 分義粟與仁漿

倡聖學以育才兮 捐多金而解囊

辦更練以防盜兮 居民得以平康

設總會以互助兮 商業頓以改良

築墳塲兮慰僑魂 謝榮銜兮見心腸

腰纏萬貫而不吝兮 輸巨金以賑災殃

偶值商場之震撼兮 政府必起而助勦

寡色美而重言諾兮 信義昭著乎華洋

自奉儉而施人宏兮 隆情奚讓于孟嘗

視功名有如敝屣兮 傾心盡力而經商

試聽口碑之載道兮 遽聞噩耗以悽愴

嗟哲人其頓萎兮 先生有知其來饗

郭 淡雲  
鑑衡

維

民國十五年丙寅秋八月十二日爲

何公澤生三虞之辰悵大雅之云亡感故人而隕涕謹綴蕪詞以誌哀悼辭曰太平之  
麓珠海之東靈秀鍾毓誕生我公爲人之傑爲商之雄才高貨殖經濟宏通宅心仁厚  
德高望隆暨夫壯歲名列縉紳擢爲參政大展經綸言重九鼎保障僑民敬教勸學愛  
衆親仁提倡善舉薄海同春積德行善宜壽而康何期鶴駕遽返仙鄉幸有賢嗣前烈  
重光此身雖沒名譽流芳掬誠致奠一瓣心香嗚呼哀哉尙饗

怡昌號同人拜輓

中華民國十五年八月廿九日何公 澤生以疾終于香江噩耗傳來僑港人士莫不  
蹙額相告憂形于色遺愛在人可見一斑矣公少年聰穎奇疑就學于皇仁中學輒冠



群儕迨升堂入室遂執教鞭本善誘之方以勉勵後進繼則棄書習賈讀原富而得薪  
傳究貨殖而窺奧蘊其飛黃騰達有自來矣顧公不欲厚遺子孫所入盈餘輒施與不  
吝慈善機關之設立孔教義學之捐輸皇仁中學之助獎香江大學之學額慨然加惠  
士林毫無靳色其平居教子弟每以提倡孔道培植人材爲職志至于律己以廉讓爲  
本以恬澹爲懷洵陶彭澤所謂不慕榮利者與展如之人求之薄俗奚可多觀於戲以  
公之才之品允宜上邀天眷克享遐齡乃造物偏不假年竟使哲人長逝惜哉雖然公  
有令嗣秉承嚴訓類能繼公之夙志不虞正道之凌夷人才之缺乏則我公雖死之日  
猶生之年嗟嗟秋雨秋風兮黯淡皎日明月兮無光愴懷耆舊兮曷已淚霑余襟兮浪

浪



徐紹楨

記得當年返故鄉一尊同醉話衷腸萬方多難吾何補八表兼營君獨忙子貢有才興

貨殖

謂君經商務

樊遲請學重農桑

謂君興辦農工諸實業

即今爲述儲材意尤使諸生涕泗滂

君言欲救國非尋孔讀材

不可管獨力辦澤生義學並于皇仁齊院香港大學籌賑捐助之

香港上海庄行慎遠堂同人

維

中華民國十五年八月廿六日廼卅四商行聯合會追悼

何公澤生之辰同人等悲慟之餘爲詞以輓之其詞曰

年少先知誦讀勤

壯時不負學勞辛

一生志氣雄如昨

萬里衿懷謫若春

身善不忘人亦善

羣親方信己能親

驚聞大雅云亡矣

憑吊香江淚有痕



葉孚光率男鴻翔

澤生何先生材淑心誠肩鄉國重任贊勲善事遠近咸知年逾杖鄉纔及四稔丙寅初秋遽歸道山噩耗遙傳四海同悼爰作歌以伸哀輓歌曰

惟桂椒之信芬兮泰山之阿忽乘氣而馭風兮肝蠻山河胡芬芳之易歇兮馳隙逝波嘆獻音之乍遠兮其傷實多宜遐邇而憑弔兮涕泗滂沱嗚呼哀哉如昊天之不弔何

陳厚賢


幾生修果萬千籌作福人間八八秋而今雖向羅浮去猶有祥光射斗牛

甘作蕃

濱海一巨港吾粵門戶山百年爲重鎮萬商中外攢君起菁莪秀傑出閩與閩近悅遠人服遂握宏業權鼎名揚異邦泰運歷華顛規畫袍澤誼福利拓遷懋譽序揮巨金騰歡多士顏方期衛鄉國長享松柏年驚聞遠遊歸薤露悲無端夙昔感同術跡遠心纏綿中道失佳友老懷滋淒酸所慰積慶門森森馥桂蘭

唐繼堯

何府喪次昨送到訃書驚聞澤生先生秋初一病遽返道山哀我哲人潛焉殯涕在澤  
生先生貞操碩望中外同欽君子曰歸固已毫髮無憾令昆玉仁孝性成愛曰情切一  
朝失怙其何以堪惟是椿影難留而萱蔭方茂尙冀節哀順變紹述前休是所至望此  
間奉訃較遲奠期已過謹以電唁代達懺忱肅候禮祺





輓

聯



香港卅四商行聯合會同人

公誠澤惠同群溯昔年議政宣猷救災恤隣設商會辦團防鉅款屢輸將作育儲才學位至今留博士

我本塵勞託跡生今日奇凶煽燄網淪紀壞對芳型聆偉論故交多惋惜悽心永別路碑何止頌途人

中國平民自教會同人

拳拳於興學育材倘教得志當途醫國定爲聖手  
滔滔皆守錢足穀緬念利人濟物飽金應鑄人師

雷蔭蓀 黃性清  
李尙銘 陳松桑

東華醫院

伍于簪 梁蘭甫  
譚煥堂 朱璧東  
郭泉 陳季烙

伍乾初 陳孟典  
余仕榮 何智生

是此間慈善大家士庶起謳思鶴算正期縣壽宇  
爲吾輩老成先達典型資顧問鯨騎痛遽返泉台

香港報界公社

爲商由義爲富居仁令譽遍傳社會  
其行可欽其年不永傷心空憶仁人

各邑商會聯合會

南地展鴻籌香島交相推鉅子

西風促鶴算商場能勿惜斯人

香港銀業行聯安堂全體職員

自古之民皆有死死或重于泰山死或輕于鴻毛方今豪傑縱橫問誰瀝膽披肝白乃  
心跡

公賦性仁慈宅心忠厚舉辦慈善教育諸事業勞怨不辭本港僑胞實深感戴遽聞溘逝皆有



泰山其頽之感公哲嗣如 世耀世光君等濟濟群英均能繼承先志

天下何人不識君君子如孫仲謀君子如李亞子後起英姿颯爽曾仗片言九鼎示我周行

去歲敝行以行事干託代達下情得季布之一言遂功成而利溥其仗義愛群有如是者公今仙去矣然遺澤猶在人間也

廣華醫院中醫生 何佩瑜 何文石 宋遠齡 區伯明

公真念切愛羣舉凡設學校以育英才聯商會以謀樂利捐鉅款以救災禔由一片熱誠造出無涯盛德

僕本心儀有道溯自聞嘉言而生景慕觀懿行而致欽崇驚噩耗而深悼痛想千秋憑吊長留不盡哀思

福建商會

享壽杖鄉進四年最難持躬克儉接物以仁奈何天不憖遺一赴九泉驚別駕

平生創業足千古回憶保障華商提倡聖教茲際會開追悼齊歌萬里賦招魂

廣東全省商會聯合會會長林麗生

是興商鉅子是興學明星一旦竟辭陽此日同揮香海淚

爲忘形摯友爲忘年舊好去秋猶晤教今朝頓碎伯牙琴

肉行總商會 孫竹坡 何燮初

振興學校而育英才碩果猶存公眞不朽

廣輸資財以行善事昊天不吊人之云亡

客幫聯合會鍾挺生 聞 崧 諸葛泰 章家泰 馮錫蕃

商民夙仰儀型持平定例盡責保良救世助時饒抱負

中外同欽德化創辦團防提倡教育培才弭盜著功勳

郭泉 雷蔭蓀  
黃桂清 譚煥堂

東華醫院

伍乾初 陳松桑  
伍于簪 余仕榮  
陳季洛 李尙銘

梁蘭譜 陳益典  
何智生 朱璧東

作東華顧問共話一堂慨頻年災患流行得我公竭力贊助藉助不逮  
爲當世典型論交兩代痛此日老成凋謝令吾輩傷心感泣遺憾偏多

卅四商行聯合會同人

齒德俱尊想當年晚境歡娛且看子孝孫賢衆口同聲慈善者  
社團失仰悵此日噩音傳遞堪嘆山頽木壞傷心空憶老成人

東華醫院司事

馬袞裳 林生五 陳紹初 鄧海  
劉矩堂 陳冤伯 潘美明  
黃述明 黎章民 林鶴齡

承家有馬氏五常靈爽在天應莞笑

好義與堯天一轍窮黎到處遍謳思

孔聖會值理同人

敬教助學睦鄰任嫻見義則勇爲是公生素抱  
聲應氣求志同道合離魂仙去同人雙淚紅潛

東華醫院中醫

黎端宸  
林春華

李湘甫  
鄧日騰

余伯棠  
何奇石

鄭迪民  
盧覺愚

五桂齊飄正等燕山垂令嗣

三肱未折非關秦嶺隔良醫

香港糖業公會

造物不仁歎商界英豪又弱一個

哲人其萎溯生前事業共仰千秋

洋行聯合會同人

望重鄉邦沒世猶稱無慚君子



善聞社會臨風憑吊共悼哲人

金山莊行華安公所

倡孔教育英才倫紀綱常非得我公維持晚近人心幾盡死  
俟刀圭辭塵世功能事業幸賴賢郎繼述馨香仁聞與長存

糖業經紀同人

滄海正橫流問公胡遽蓬瀛去

香江多偉業令我徒生泰斗思

香港生豬欄行同人

靜以持身治亂于未萌四環更練之保安也憫百業凋敝華商總會之設立也雖一旦  
騎箕惟德建名垂自古聖人原不死

動而濟衆見義必勇爲三學捐資之玉成也起國教淪亡孔子倫常之注重也竟飄然  
跨鶴然功成身退從來大道莫能容

孔聖會澤生義學

教員 潘月珊 等  
學生 馮雁兒

造福蔭僑胞中與西令譽昭宣咸懷泰斗

恤貧興女學師若弟熱誠追慕如見羹牆

保良局董事

周俊年 蘇壽南 黃屏蓀 余焯生  
區紹初 李韶清 江筱呂 伍于瀚  
梁弼予 何藻雲 關翼之 陳少卿

我公出處光明人言無間東華院資深顧問定例局惠普僑胞半生來木訥近仁宜乎

鶴算綿長葆真而往

哲嗣交遊誠篤衆望咸孚大阮則業守銀行五桂亦譽馳香海數十載義方垂訓想見

鯉庭紹述厥後克昌

皇后大酒店有限公司董事同人

花萼聯輝芝蘭競秀世美殊榮推作華人領袖欽承政府之謨謀借欸濟時艱恩被商

場方算鶴算長延仁者自應登壽宇

箕裘克紹詩禮堪循家誠致樂詎來痼疾難瘳深嘆良醫而乏術驚聞傳噩耗心傷友  
誼太息鵲魂遽化吾儕同此悵香江

香港工業維持會

兼道德學問經濟之長公眞無忝國士  
著政治教育慈善之績天胡遽喪斯人

花紗行綿益公會

中西學貫歐亞名高方期盛會耆英羣推司馬  
藥石無靈刀圭失效太息故人噩訊遽召修文

金銀貿易場

生也榮死也哀令子克家泉下自無遺憾  
魂在天功在世善人遽殞心中應有餘悲

正頭行公會

瑞氣集高門有子有孫繞膝芝蘭挺秀

英魂歸上界斯人斯疾傷心草木失靈

廣華醫院當年總理

羅林泉 鍾茂豐 魏錦泰  
李耀祥 黃仲昇 陳若文  
招毓偉 賴天福 姚桂生  
顏成坤  
梁獻臣

老成其謝乎大雅其亡乎緬懷高義豪情一旦夢魂歸閬苑

槩木其壞矣哲人其萎矣那堪淒風冷雨連天涕淚灑香江

香山商會值理

杜澤文  
馬鴻侶

爲災民慈母爲學界明星數十年膏澤及人死真不朽

是孔教干城是港商領袖千萬衆口碑載道歿有餘榮

長生行皓綿堂

早歲肄業壯歲營商慈善具深心畫地救災百萬哀鴻同感戴



多士曾培博士不受清廉存素念樂天知命一朝駕鶴也逍遙

顏惠慶

零露沾凝驤首天路

涼風蕭瑟整轡高衢

康有爲

曰富曰壽更好德考終復何憾

多福多男況生榮死哀又奚嗟

羅旭和

港人咸念遺勳曾興學辦團濟良施賑

郎輩克循義訓能讀書明理飭身立名

梁士詒

碩望著華洋胡遽驟驚騰天駕鶴上漢

芳規施孫子忍見白雲在舍高風送秋

李耀漢

鄭荻高擅經營豪俠之才夙欽造福鄉邦馳聲隣國  
寶燕山處攘擾凌夷之會猶羨義方垂訓後起聯芳

李亦梅

當年忝主席東華易占麗澤詩詠他山得我友印須鼂戴幸無譏覆餗  
幾輩問蜚聲南國名號檀梨道分喬梓有群郎繼起象賢應可慰騎箕

江孔殷

澤生三兄大人以商界聞人爲此邦領袖仁聲義聞中外翕然公子輩多藉藉有聲于時頃以  
微疾捐館香江前星方

有兒孫克大門庭後澤方長歸神奚憾

是中外緩衝人物時艱正亟屬土同哀

耀後澤方長可無憾矣獨風潮澎湃危舟把舵又少一人是可哀也虞祭將屆撰句誌悼

賴際熙

興學育菁莪服嶺以南羣推長者

繞階茁蘭玉明德之後必有達人

魏邦平

福備箕疇濟衆經商蜚聞譽

齡逾花甲含飴繞膝蔭兒孫

盧興原

建標陳肆海宇知名祇令備用觀情操算誰如何安父

好義急公士林望重此際歸真返樸幾人深慟李崖州

陳望曾 僭弟 望霖 男 曾琪

異地接殷勤憶同前度劉郎杯酒常聯在座無君殊不樂

牙馬金  
秋風報蕭瑟却歎大山何默人琴雖杳克家有子並稱賢

梁永榮

公眞策杖優遊家庭內稱難兄難弟多子多孫極安富尊榮如此年高徵德大  
我亦執戈捍衛旬日間痛賊寇披猖老成凋謝當亂離顛沛何堪世變哭人亡

伍莊

人生皆死死要留名不然一二百萬家財等諸糞壤

公死猶生生能行善如此六十四年壽命勝過彭鏗

利希慎

世事竟如烟憶曩時香海繁華群歌樂土豈意工潮驟起斷絕交通喬梓任維持全體

商民同戴德

人生眞若夢曾幾日利園談話齊頌安居何期噩耗飛來脫離塵俗中西生惋惜忘年

晚輩倍傷心



伍水壺

時下數老成一殿靈光此日龍頭當子屬  
生平尊長者卅年故我今朝馬首復誰瞻

李福林

生則利羣力大願宏作四海華僑保障  
死猶尊孔形亡神在爲萬年聖道干城

鍾秀南

有子繼賢聲九原歸去應含笑  
聞公歸大暮尺書聞訃倍傷神

潘寶行

與難弟并載論交盛名久仰  
看後嗣一堂競爽遺憾應無

鄧志昂

歎今日道山歸去遽棄人間幸哉有肖子有慈孫有聰穎姪兒更兼賢昆令弟衆口同聲異時而熾而昌慶集一門猶未艾

憶昔年商會主持忝隨君後他如爲局員爲學董爲醫院顧問以及弭盜賑災百端具舉凡事無偏無黨交逾卅載最相知

馬持隆

算來兩代論交稔知忠厚存家允與汾陽爭福壽  
曾記一堂共話太息典型墮地何堪單父悵人琴

袁帶

興學育群才看桃李芬芳有化雨春風之廣被  
經商抱奇畧喜桂蘭馥郁備九如五福而全歸

陳席儒男永舉

惟公不愧當代賢豪一行一言遺範昭垂足令後人心作則  
哲嗣同爲商界泰斗難兄難弟榮名遠播豈徒半島口皆碑

李寶祥

尊崇聖教嘉惠士林築範常存早留令譽傳香海  
哲嗣承歡文孫續緒箕裘克紹更無遺憾赴泉台

黎工飲 徐天放

遺愛在僑胞雖然魂夢依稀碩望音容留爾室  
論功存社會一旦耆英凋謝淒風涕淚滿香江

盧煥初

公垂令德居僑界先河允宜長享期頤香島梓桑叨樾蔭  
僕以不才陪文郎末席回憶尙聆訓誨涼秋風雨悵山頽

葉蘭泉

訂交垂卅三年常承懿行嘉言古道照人稱摯友  
隔別纔半個月遽爾騎鯨跨鶴秋江何處吊英魂

鄒靜存率男殿邦

熱心公益利濟僑胞滄海正橫流胡造物不遺一老  
秉性慈祥服膺聖道德門必昌大知克家定有羣賢

鄧瑤光

回首望洪濤六十富翁行善去

浮山若大夢中秋明月送魂歸

陳廉伯

一生興學愛羣港僑皆頌生佛

君家樂施好善當世曾有幾人

杜四端

論君家三鳳齊名乃兄行仁乃弟行仁載道在口碑轟傳砥柱中傾相顧僑胞驚失色  
問年譜四齡忝長與公共事與郎共事知交逾骨肉方歎英才蔚起至今遺愛動餘思

盧乃潼

激薄停僥家世三高推長厚

光前垂後乾坤六子盡亨貞

盧頌舉

德優輔世齒越杖鄉所謂達尊公豈愧

富不驕人施能濟衆遽聞噩耗我何堪

徐勤

蓋棺以後誰識富人惟有留名是真壽

濁世之中公生慧眼獨能尊孔挽頹風

李葆葵



馬 金  
記多年群商議席借著前籌友誼篤生平常使酒樽懷北海  
別數日上界僊班騎箕遽去勞工詢疾苦昨曾醫院過東華

源盛隆行伍于瀚

爲華僑而謀幸福興學聯商溯經始于當年黽勉圖功名真不朽  
襄政府而獻嘉謨團防定例知不遑于旻日鞠躬盡瘁死亦流芳

李煜堂男自重

無負生平方期老境時佳攻玉深資賢者範  
忽驚噩耗何意中秋節近束芻痛泣故人靈

黃若衡

溯生平性情剛直樂善不倦見義勇爲天道竟無知一旦長辭空抱恨  
論處世言語至誠疾惡若仇愛人如己靈魂今已去卅年交好倍傷神

李煜堂

老成凋謝化鶴飛還溯當年局院蜚聲社會見功解金囊以勦善舉方望蒼天厚報蘭  
孫繼美桂子騰芳香島樹儀型濟世勳名懸北斗

碩彥云徂騎鯨逝去迄今日慈善事業公益熱血勒碑碣而壽河山不料黃土長埋豐  
草空林落花流水仙臺覓踪跡招魂涕淚泣西風

陳念典

論定在公評傳令聞動哀思足見大椿廣蔭

締交成世誼有達人本明德豈徒五桂敷榮

黃大偉

平時善隣親人周旋中規折旋中矩

賢者克家有子其生也榮其死也哀

杜四端

通商惠工興學數善舉生平見義勇爲卽今時局全非獨見衛文遺偉績

議例贈醫平糶諸大端令嗣當仁不讓畢竟典型如昨我尋范蠡仰高風

彭勤生

救災恤鄰與同胞澹昏墊爲骸骨奠安全遽入黃泉隕涕哀思零雨淚  
急公向義代縉紳表輿情替商場結團體不忘素悃淪飢高義薄雲天

崔兆南

壽逾花甲福備箕疇當時財富王陽遍教義粟仁漿人稱善士  
棠棣交榮芝蘭競秀後嗣業追樊重遽返方壺圓嶠我悼先生

梁晉明 葉錦春

忠厚慈祥熱心社會

富貴壽考名滿香江

陳恭綬 陳培深

奏刀而傷雖曰天命豈非人事

植棠遺蔭既能興學尤貴尊經

盧宗紹

展戀遷之偉畧通貨殖之奇書島國知名同悼老成凋謝  
挹化雨以培材噓春風以育德杞楠廣植咸欽典範流傳

廣州市衛生局司徒朝

捐資興學籌款賑災有大德斯享大年蓬島歸真無窒礙  
創築僑墳組織華會惟善人合膺善報椒聊蕃衍自縣長

暹京滙豐銀行林存命

論交越卅年久欽孝友慈和妻賢子肖棣萼聯輝南極應增仁者壽  
考終全五福共仰溫良恭儉栢翠松蒼孫枝競秀香江咸識善人名

李躍龍 潘廣屏

有子盡英豪益知積德累仁早培厚澤

無人不仰戴如此急公好義何愧平生

崔桂平

哲嗣爲商界明星夙叨大雅揄揚說項蒙推書記室  
我公負社團碩望今竟老成凋謝愴懷無復德音塵

梁慶桂

縞紵夙論交積歲久違自愧春萍漂塵海  
素冠猶守古臨風遙奠高挾秋菊薦寒泉

潘元燿

互市仰鴻才厭擾擾囂塵辟穀有方遊世外  
閉關矜秘策悵盈盈秋水生芻無計奠君前

簡玉階 簡英甫

死別已吞聲香島尙多瞻泰斗



生平無憾事中原恨未見和平

俞叔文

眩虛名者幾人脫屣謝榮銜獨敦古處

比且鳴於陰德蓋棺徵定論清畏世知

容顯中

五福已全歸尤欽繼述多賢瞑目應無遺憾事

卅年常就教空賸儀型千古愴懷長念老成人

仁安號

渥澤被千家天不假年未許刀圭延鶴算

傷心同一哭人雖去世咸推泰斗仰鴻名

陳霞澗 麗興號 和昌號 譚興臨 昌記號 馬心沃 陳傑卿  
永盛隆 譚宜隆 源通利 和興隆 李心顯 黃耀東

與後昆信用論交久而敬之家範夙欽齊晏子

想先生高懷厭世飄然去矣商場恨失魯靈光

彭禹銘

積善能致祥況有令子上醫醫國

福祐自封實難忘老輩春風風人

陸孟飛

航業擅專家橫覽五洲獨有聲施揚異域

鼎名鐫善院摩挲片石驚聞太息起窮簷

中和公司 李植青

大雅云亡香海雲山皆黯淡

老成凋謝閭閻士女盡悲哀

怡安號 李徽琴

與令嗣訂交知公教育有方蘭玉培成佳子弟

痛哲人長逝如我感懷無限芻香哭奠老先生

林正煊

老成一去香江冷

遺範長垂梓舍陰

陸文潤 僭弟 文強

羨公聲譽滿香江大事付兒曹  
早知蓬島夙因此去登仙心罔憾  
愧我薄書游粵海秋風傳噩耗  
爲念葭苕舊誼未親執紼夢難安

倪文鈺

百家之中與陶朱近

九泉不作如蒼生何

生利 生棧  
德源

世事無常塵榻空留長抱恨  
音容何處人琴悵望遠留芳

陳振南

三鳳齊鳴仲氏吹簫悽絕響

六龍競爽義方垂訓仰遺型

福泰號

生世七十年幾閱滄桑痛今秋武漢兵爭牽動列國覬覦繚繞雲烟若然化鶴歸遊應  
向祖邦悲洒淚

僑民億兆姓半多枌梓溯昨歲滬濱案起影響此方營業飄飄風雨可惜騎鯨遽去誰  
教工黨快回頭

陳煥夫

香海盡知名儘多事業昭垂北斗泰山同仰望

賢郎常聚首忽聽老成凋謝西風落葉倍增悲

余彬南 余敬舒

好善不讓顏廉州草木皆恩應爲心香拈一瓣  
有子能如鄧太傅弓裘繼美即論家範足千秋

凌福彭

深藏若虛盛然若愚蓋淵然有道學之意  
載形以生息者以死惟達者與造化同游

旅美國舊金山林承芬

香島仰遺型遙知流澤長存感激僑民同隕涕  
金門驚噩耗太息老成遽謝望窮滄海爲招魂

易可昌

門下忝知交憶君造福商場方冀經猷恒景仰



舟中聞噩耗使我悲懷海國憑誰耆宿定飄搖

彭韶鳴

其德其行人無間言入則孝出則弟

曰富曰壽子肖克家生也榮死也哀

霍兆桂

令譽播一時福德兼全矧能繼紹箕裘公其瞑目

噩音驚化古華洋同悼奚自追隨杖履我更心酸

潘作楫男志

新設  
志

雅望重華洋試看一門賢達諸子英豪方謂晚景優游修到如公眞福壽

交情比膠漆祇限千里睽違兩年契濶詎意噩音傳至驚聞老友棄塵寰

伍鏡千

教子有義方亭亭五桂叢中玉樹臨風增秀色

議政多遺愛歲歲孟蘭節後口碑載道誌哀思

葉秀芝 張梓村 黃屏孫 簡玉階  
周雨亭 黃錫琪 楊貞石 陳星晃 馮宜甫

前生由多寶塔來與佛共慈心遍地黃金皆善果

今日向升旗山去請公一回首滿江皓月未中秋

蔡漢芬 蔡昌 蔡慧民  
陳仲文 陳華 梁詔明

世事已無常空留杖履

音容何處覓長望人琴

唐益三 陳竹軒 何槐 共和旅店  
許方坤 陳靜山 唐伯東 陸仲賢

大業已完成從此息肩歸淨土

令名長不朽幸留愷澤播人寰

許賢明 李敬之 黃從吉 張叔藝  
李其光 林均泉 盧彬 李善庭

壽考吉人方欣日永華堂繞膝孫曾娛百歲

華僑商衆驟聽星沉南極傷心淚涕洒三秋

裕利源行出入口部同人

急公好義善量宏施瞻仰芳規宗族親朋皆敬愛

濟困扶危仁聲遠播驚聞噩耗貧寒孤寡盡悲哀

興記號

厚澤蔭僑胞振興商務作育人材望重華洋何竟天不永年魂歸蓬島

群生欽雅範救災恤隣保良弭盜聲騰中外迄今港留遺愛淚洒香江

羅少柏

陳成

慨捐學額以作育高才薄名譽而不矜博士頭銜仍婉却

遽患腸癰祇纏綿旬日痛天年之已定群醫手術枉徒施

張威臣

持躬接物信義相孚况復議政頻年中外感恩深雨露  
興學辦團心力交瘁料得流芳百世謳歌戴德悵雲天

梁兆南

紅塵何處鶴空歸五福完人高唱有誰稱健者  
碧海無邊鯨竟去一方善士愴懷如我哭先生

盧煊仲

噩耗忽傳來撒手紅塵歸淨土  
遺徵空仰止傷心白露洒香江

吳飛龍榮軒

樂善好施仁聲充溢  
敬教勸學令譽昭垂

陳楚衡 陳厚甫

喬梓稱善人方期杖履長隨叨陪永日

韋絃資摯友豈料人琴俱杳愴泣秋風

永源公司

公乃富而兼仁記曾嘉惠華商樂助許多善舉

我亦交而能敬今遽驚聞噩耗感懷無限傷心

關鶴舫

中外知名難兄難弟

古今垂範賢子賢孫

劉德譜

與先君守正立言兩代篤私交猶記得昔日趨庭曾教師事

愧小子幼時乏術頻年奔國難又報道老人星隕誰挽阡危

蔡廣蕃男惠溥



羨端木能鬻財茵鼎夙耽爲善樂

視桓侯非篤疾刀圭愧乏速痊方

陳廉仲

積德行人克家有子

熱心興學利濟僑胞

林翰屏

遺愛在人間試看白馬素車自然隕涕

關懷如我輩悵望青天碧海何處招魂

洪興錦

道義爲根自成馨逸

紹述有記乃返冲虛

容顯朝

提倡孔教具有深心平生見義必爲西友華僑同殷愛戴  
解決工潮時存苦志一旦騎箕以去交遊故舊倍切歎歎

甘作蕃男熾光

琴酒昔論交記東閣梅開每話風流懷水部

刀圭難却病悵西園葉落遙傳凶耗到春江

葉露韶

繼述有公郎體公所志行公所爲從此我公如未逝

熱心謀衆益捍衆之災植衆之利宜乎萬衆盡交稱

黎慎齋

爲海外富豪泉石堪娛慈善紳商應合傳

病身中要害刀圭罔効涼秋冷月賦招魂

石岐成昌泰

春夢闌珊公歸樂境

秋雲慘淡我吊香江

黃瑞容 李銳珍 楊慶橋

兄弟無故兒女成群厚福冠華僑六四年道滿飛昇如此全人能有幾  
學校育才醫院濟衆仁聲開香海十二日壇開致奠留將遺愛永無窮

劉卓彬

舉世所稀福壽兼備

爲善獲報子孫其昌

怡生號

握算持籌眞商界鉅子

育才勸學爲名教完人

易耀庭

與僑胞排難解紛自有芳聲傳海內  
爲中國育才培學應留景行在人間

阮躍池

博學才人歷任定例局人員團防局人員太平局人員歎他今日離塵天命不永  
生性樂善可稱一港之善士國家之善士天下之善士痛彼霎時逝世我心實傷

盧寶和

善政善教萬衆臚歡身世備薪勞端爲同群謀樂利

良賈良醫一堂萃處子孫皆玉立培成後嗣紹箕裘

梁紹麟

交誼篤三徽那堪桐葉驚秋篴聲中斷

時流推六俊爭道豫章垂蔭庭誥能詒

黃盥香 黃聲始

福壽駢臻當世如公有幾  
提携備至今朝令我難堪

游劍池

捐金師往哲六十載商界完人何圖厥疾弗瘳秋水蒹葭空想像  
興學育多才五大洲華僑鉅子忍聽凶音傳到西風桐葉倍淒悲

周雁亭

慷慨仁善如公堪稱善士  
徘徊景仰令余永念前型

梁鑾永

夙仰義才克傳賢嗣恰值息肩養老得列屋而閒居何堪凜冽金風吹殘塵夢  
主持公道利及人群正期隻手扶危挽狂瀾于既倒豈料淒涼薤露歸去靈魂

伍季明

老伯父是斯世善良如今福壽雙全宜乎頂祝千家齊呼生佛  
令公子均商場翹楚窃幸追隨末誼留得心香一瓣紀念完人

戚瑞永

爲本港名公一旦云亡徒仰芳徽思笑貌

是先君世誼九原相會望將近狀訴衷懷

黃穎棠 黃藻瑩

曩日秉承多啓迪

望風懷想倍淒悲

聯安花紗公司

天胡不慙人之云亡空嘆端木才高陶朱學富

齒德兼尊典型猶在徒令子山思舊向秀傷懷

魏丙炎

公益最關懷平時敷澤華僑允矣萬家頌生佛  
大年纔周甲此日歸真僊島傷哉香海隕良朋

謝詩屏

大雅云亡頓起葭莩無限感

老成凋謝幸留蘭桂一齊芳

陸蓬山男文璟

我與賢阮兒女通婚諗知厚道相傳定有千秋垂德業  
君向西方菩提證果雖歎哲人其萎幸留後世仰儀型

扶記銀號 鍾啓南

偉業一時新如我公爲香島善人食報宜長何期疾痛根深撒手竟辭塵世去  
有子萬事足矧詰嗣均商場殷富顯揚方盛詎料團圓節近傷心長帶夢魂飛

楊郁雲



僑衆蒙庥情殷好義

門庭敦睦誼重和親

黃惠伯

大雅云亡風淒港地

老成凋謝淚灑華僑

渣甸辦房同人

大槿痛凋零覆幬無憑記當年推食解衣遠近齊聲稱善士

長材驚萎謝典型尙在溯往日賑災辦學中西握腕悼斯人

永安火水人壽保險公司同人

慈祥忠厚社會同欽賢昆季中外蜚聲公尤能貢力大群保良善佐太平方冀壽享期  
頤長與吾儕作將伯

磊落光明朋儕共仰諸蘭玉箕裘紹美天胡弗憖遺此老復交通恢秩序遽爾魂遊極

樂深爲時局惜先生

區文傑

是商業大家是慈善大家見義勇爲試問塵海茫茫誰今可比  
倡公益事業倡教育事業當仁不讓詎意人琴渺渺逝者如斯

胡友卿

塵教莫追事業已歸前輩錄

鴻儀永隔典型留與後人師

何爾昌

瞑目歎長辭秋雨忽成千古恨

傷心淒永別夜臺同吊九原魂

李凝之

公爲前輩儀型可惜老成歸大暮

我忝備員會座幸從哲嗣獲良箴

昌盛號

可惜善人遽歸蓬島

獨留芳譽常播香瀛

梁晉明 葉錦春

我公固香海仁慈社會慕儀型太息音容成幻夢

哲嗣皆商場泰斗門閭著光大定知紹述具淵源

興順隆欄

爲山之嶽爲地之河一老不遺九級泉台驚落日

是商之雄是善之長斯人竟去滿城風雨咽涼秋

百億堂 恒昌泰 萬安和 同昌泰 萬昌隆

素車白馬塞通衢其死也哀足證生平無缺憾

赤箭青芝陳列肆得人而理端資後嗣有賢良

林子豐

世誼記深情備極鴻庥何期流水桃花遽遺色笑  
仁慈皆盛德回思厚澤從此曉風楊柳倍愴神魂

余介屏

濁世挺奇材正民德厚民生老猶盡瘁忘勞遂令二豎交侵藥石無靈哀感新秋桐葉  
落

善門鍾喆嗣承令緒著令名蔚樹豐功偉業胡廼一堂競爽梁木陡折傷悲終古蓼莪  
歌

謝蔭培

大雅云亡翹首蒼天應隕涕

善人凋謝感懷落日倍傷心

同孚泰

論事以實觀人以微數十年商業經營貨殖重編增一席  
親厚所痛疎遠所悼三兩日病情倏忽塵凡永隔悟前因

雷維添

爲香島巨商貨殖經營心力瘁  
是僑民碩德音容彷彿夢魂歸

王少屏

設商會而辦聯防諸多善舉  
萃僑民而推碩彥無忝榮名

歐滙川

福壽兼膺公縱歸魂應瞑目  
典型尙在我今翹首倍傷心

昌言行

令子克家九原可慰

惠人留蔭百世猶思

大有豐

年屆古稀生成壽相

澤敷群類欽仰完人

廣益隆

劉其華

如公北斗成千古

今我西風泣數行

永豐和

秋風秋雨滿香江魂兮何處

福地福人埋壽塚心定能安

黃次朋

富慈善性優貨殖才國際商場馳譽久

令福壽歸辭塵人去華僑社會悼聲多

赤坎 宗記庄 茂隆號 陳饒裕 伍斯煥

具諸類善心民國以還允推此老

讀從來歷史陶朱之後僅見斯人

鹽業銀行 倪文鈺 王良藻

老成望重晚景情娛盛德千秋傳不朽

天上真歸人間夢幻茂陵一病痛如何

楊一新

華僑荷施厚澤萬衆賴保安又兼拯弱輸金鼓吹文風樂育人才歌棧樸



政府前席諮詢北庭嘉禾寵錫况復桂芳蘭毓歡娛晚景不圖仙逝赴蓬萊

裕泰號 黃贊卿

謀私利少謀公益多衆濁我清時有其人縱難壽媿老彭已造福于否塞晦盲季世  
其生也榮其死也哀光前垂後某雖不佞敢效芻陳孺子輒進言乎貞操碩望名家

祥 信 崔維周 李業生

民國寵勳章之錫英廷榮博士之銜美譽播中西于斯爲盛  
乾坤有或息之期神仙無不死之藥訃音傳港滬云胡弗傷

新廣合 勝利昌

以忠厚開基以詩禮貽謀奕禩善繼承博得富豪稱有子  
爲國家宜勞爲社會效力華洋同景仰空餘芳範哭斯人

鹹魚欄聯益社

端木知貨殖生財樂育高風騰海國

仲連能解紛排難義方嚴訓秉庭闈

王樂庭

衆仰本殷殷羨君譽滿商場僑胞造福

萬緣皆了了痛爾星沉香海冷地招魂

鍾樹祥

松柏本耐寒斤斧應憐喬木喪

春秋當鼎盛切磋猶愛梓枝賢

胡仕康 張仲謀

富者而能仁平生飢溺爲懷令望早應寰海播

德人應有壽此日風潮方盛老成何遽道山歸

郭仲衡 王又荃 周瑞安

非尊孔無以挽頽風如公稱學界偉人足昭史冊

惟興商乃能成實業今日作泉台幽魄空賸儀型

勝興行

月照寒楓空谷深山徒隕淚

霜凝宿草素車白馬更傷情

立記行 黃德權

何人不懷召伯遺愛永繫餘思卽今論定蓋棺橫議豈能消董筆  
有子當如仲謀後事應無顧慮怪底術窮鍼石養生曾否悟莊書

梁萬勝

中外共瞻依仰我公碩望交孚是宜大享年齡留作世人矜式  
商民同悼惜嘆此日老成凋謝誰復中流砥柱挽回薄俗披猖

楊貴深

何棟臣 梁雨生  
黃順 盧德凱

無藥可醫耆老病

有錢難買子孫賢

捷盛行

惟公爲威鳳祥麟看他濟困扶危功德及人應瞑目  
諸子盡文龍繡虎此日名流鉅賈遐邇聞耗總傷心

邱爾明 福記號

時局如斯能施救世鴻猷誰云海國商場無多俊傑  
哲人其萎幸有克家令子獨惜香江善界少一仁慈

鄧文駒 鄧文駿 鄧文驊

誼切葭莩感深雲樹

政參議局頌遍香江

同發源

商界善經營痛公遽赴重泉猶幸箕裘成大志

香江齊嘆惜愧我聊伸一束空懷杖履表微忱

譚叔平

居洋界而心存中國志趣誠高佇看羣季材培人羨一門稱盛德  
在壯年已譽播商場儀型克樹詎意道山魂返我棲半島失良師

昌裕號 崇裕號

富以其鄰公能從地方上發現慈懷可謂勇于爲善  
知無不弔我曾向環境內徵求公論僉云死也堪哀

余光福 陳鐵一

社會持平排難解紛萬衆瞻依遽失  
典型垂範流風遺澤千秋感悼尤深

汪友石

致富有何奇奇于見義勇爲當仁不讓

戴恩常記念念及栽培昔日圖報他時

胡華三

鶴馭何方音容已隔芳踪杳

燕貽後嗣德澤長流奕葉香

蕭蔭圃

離亂識諸郎歎克紹箕裘始知寶氏五賢淵源有自

隱居稱仲氏看爭榮棠棣是繼何家三逸功業良多

崔蘭蓀

月冷空山感公知遇將奚報

風留廣廈嘆我蹉跎失所依

順福成同人

名冠寰球商界高風推鉅子

魂歸天國慈悲甘露遍蒼生

吳雪甫

偉業足千秋中外同聲稱少伯

生芻來一東海天有淚哭先生

李叔雲

愛人以德訓子有方令望著香江當代斗山公真無愧

十載論交半生作則靈魂歸故土今朝杖履我獨空懷

廣州明昌號

齒德俱尊常挾謙恭維世道

音容雖邈猶留聞望在人寰

羅錦澤 劉 鏞 劉景堂

貨殖不私心公曰爲善最樂



子孫能繼志咸稱無忝所生

潘德泮 陳介臣

風淒暝色愁楊柳

月吊靈魂哭杜鵑

陳楚卿 徐煥夫

羨君生有美名誰云粵海商場不多豪傑

料汝死無遺憾獨惜香江善界少一仁慈

洪寶華

信義相孚獨抱謙恭咸羨聲名存赤柱

形神雖逝尙遺仁善常滋霖雨惠蒼生

盧益三

是商場鉅子

乃當代福人

成順棧 隆記莊

富比陶朱義同卜式

名傳粵嶠望重香江

永安隆 天和堂 永福安

爲慈善偉人醵耗傳來壽數告終逾六秩

是殷富豪傑靈魂飛去典型尙在足千秋

祐興隆

員參定例會長華商半生來見義勇爲遐邇僑胞齊景仰

紳列太平董膺大學數十載當仁不讓中西社會切欽崇

信生昌

盛德入人深中外齊聲傷大老

世風嗟日下古今同慨喪斯文

海陸通公司

學通中外名播華洋畢生德望兼隆得力在尊聖一念

秀桂盈庭幽蘭繞砌累代衣冠鼎盛魂歸當含笑九原

厚德銀號 陳夢熊 馮蘊之

公本多才從政從學從事經商喬木儘撐天愛國有心何武去思懷徃古

子能繼志得名得位得成大業靈椿偏委地渡河無命澤公遺恨溯生平

昌隆銀號

李冕衡 李少霞 杜錫禧  
謝焜舞 謝藻成 羅朝駒

大德之門一曰壽二曰富

哲人其萎生也榮死也哀

周瑞安 郭仲衡 王又荃

尊孔聖以挽頽風偉論鴻才昭史冊

集華商而興實業濟人利物益僑民

廈門義和張家斗

崇聖道而挽狂瀾厥功不朽

設學校以培後進盛德常新

天津滙豐銀行郭體忠

畫地以安商賈弭盜以聚市廛名足千秋先生不死

救國而重綱常樹德而宏施與道原一貫遺愛長存

甘作蕃

尊孔聖業陶朱中夏名垂真不朽

惠華僑培士子苔岑誼重感平生

黃德輝

范大夫四海經商湖上勝游成昨夢

魯仲子一言排難世間義士歎安歸

梧州合昌號

高誼難酬方期鶴算松齡長資表率

幽思莫解太息山頽木壞空膾儀型

梧州裕昌行

此恨何如風雨鷄聲空隕涕

伊人安在屋梁月色總傷情

梧州公昌行

東蜀相與素車來徒對空山同隕淚

辟穀已隨黃鶴去更從何處可招魂

永茂生 楊祖圻 梁有棠 曾啓業 侯紹基 樊炳有  
何寶生 梁亦泉 曾錫侯 侯承基 樊炳志

溯我公一生創業有口皆碑方期廣厦幘幘垂諸久遠  
幸吾輩十載經商他山是賴豈料哲人凋謝失此仁慈

鍾如松 仇少華

蘭砌靄清芬方擬小山叢桂

蓉城促仙駕相將一束生芻

祝志昌 男雲生

齒德仰俱尊訓誨頻叨不得真傳慙范蠡

人琴空致感典型常在何堪下詔遣巫陽

陸少白

公益皆力爲尤難善不伐勞不施博士榮銜婉辭弗受

英靈今遠逝此後定大疑決大計西人前席並缺垂諮

捷成行

香江遺愛猶存髣髴音容儼如昨日  
薤露挽歌忽起滂沱涕淚空灑淒風

梁紹麟

交誼篤三微那堪桐葉驚秋篴聲中斷  
時流推六俊爭道豫章垂蔭庭誥克詒

熊少濠

中外仰榮名香海波濤遺澤遠

天人分異路君家詩禮古風傳

陸麗棠 男 文浩

維公明德如日月之照人曾悲潦水爲災澤沛北方膺寵錫  
異地神交幸蒹葭之倚玉豈意昊天不吊星沉南極失瞻依

廣東銀行陸蓬山

尊孔聖而興學校  
齒自奉而宏施與  
重言諾而寡語言  
當年香海優游共  
仰賢勞孚物望

創總會以集華商  
設更練以息盜風  
築墳塲以安先友  
此日道山歸去還  
留政績在塵寰

永義豐 戴奕卿

殘月冷香江  
辟穀竟隨黃石去

英魂歸蕊闕  
束芻空悵素車來

廣同興 張蔭午 陳叙林

大德定獲天床我  
公重義安仁宜乎  
花萼交輝賢豪輩  
出

平生嗜襄善學美  
君濟人利物今也  
人琴雖杳中外同  
欽

陳符祥

六十有四年學界  
耶政界耶商界耶  
功績滿播香江僑  
胞如公算特出



八月廿九日春去矣夏去矣秋去矣魂夢隨歸天國哲人令我長相思

董仲偉

齒德俱尊仁愛慈祥刻石允宜隨赤柱

典型尙在形神狀貌有金成願鑄陶朱

張鶴儔

與賢郎共切磋古道常存想前輩

爲萬衆所傾仰熱腸深痛失斯人

羅憲爵

挽經濟才能忽聞噩耗傳來令我潛然淚下

痛老成凋謝可惜靈魂歸去思君未免心悲

廣恒源 廣長源 關心泉

富貴本無奇最可羨有兒皆克肖

死生原已定惟難堪此老不長留

歐達卿

可惜老成又弱一箇

好行善事能有幾人

梁煒南

溯平生事畧總具熱腸仰望斗山青史長傳鴻大業  
值多難時期遽淪鉄血飄搖風雨香江頓失老成人

鄭文錦

公望公才令我欽崇銘五內

大仁大義如君慷慨足千秋

陳仙洲

嶺南耆宿忽爾騎箕憶從肝膽同舟交誼渾忘人我界

海外僑胞應同隕涕爲念生平遺澤義聲如薄海天雲

壘川益源公司 陳園 陳林 陳明率男得本

病篤創深遽歸蓬島

名留人去赴召玉樓

郭 泉 郭 樂 杜澤文

商界鉅子人間福星憶當年力濟時艱救弱扶危景行允徵銘粵海  
棠棣交榮芝蘭挺秀驚此日遽聞噩耗素車白馬哀思何止遍香江

李 炳 榮

論交逾卅年平時懋著聲名駿德如公品藻實超流俗  
睽違纔數月此日驚傳噩耗象賢有子魂靈應慰隧泉

益 壽 榮

碧海青天秦斗空瞻直道至今猶可想

素車白馬形神雖逝舊遊何處不堪愁

何豫生

德澤普三環噩耗傳來此日尊卑同下淚

交遊纔兩代靈魂歸去多年賓主倍傷心

陳德崇

親炙已卅年諸荷關存恩誼難酌悵望人琴空灑淚

睽違纔數日遽然永訣音容何處每思杖履更傷情

李弼臣

惟公爲威鳳祥麟艷說人豪記曾賞識白室尙有嘉禾傳嶺表

諸子盡文龍綉虎感懷父執悵我欽遲碧海更無碩果剩天南

明記號  
寶祥號

成記號

元安號  
元成號

公爲香海偉人泐石紀功憶當年樂善好施方期永享遐齡哲嗣聲蜚福德家門欣後

起

僕愧商場晚輩聞風慕義痛此日韶光息影一旦長辭濁世中秋節後堅尼地道哭先生

裕隆興記 簡伯卿

大患在養癰有志芟夷但恨末流無國手  
羣情如失乳同聲哀悼當于直道見人心

李文啓

通五洲貨利總廿四行商即看後起英才有子能爲門上將  
位定例局員職參諮政事猶復不忘聖道我公無負國中人

九江怡和洋行辦房陳鑑明

在交情是父執在處事是同袍高義薄雲天每謂若人應食報  
論福壽則齊全論精神則矍鑠繞庭佳蘭桂當無遺憾此歸真

張篆文

大雅云亡感懷舊雨

哲人其萎悵望高風

潘達文

善績想當年慷慨激昂行博愛

商場稱鉅子豪懷壯志利群生

建昌號

以西儒兼領華商親仁善隣大老奇勛名流海國

倡聖道能培多士敬教勸學後生感德淚洒山碑

黃培初

公能剖腹示人奸僇風聞當愧死

我本孑身作客賢郎結義得相親

陳少泉

興學育賢才自有大名留海外

克家傳令子應無遺憾在人間

蔡觀文

名譽播全球當年跡奮香江手創鴻圖光祖國

尊榮膺五福此日魂歸故里身騎鶴駕上揚州

廣州謙成文記

白馬素車秋草獨尋人去後

猿啼鶴淚寒林空見日斜時

方子筇

篤友誼尙忠誠記曾隨附多年常瞻丰範

明人倫尊德禮以此貽遺後嗣足見儀型

陳香團

是實業家是慈善家美譽滿環球公眞不朽  
爲地方惜爲同胞惜靈魂歸上界人胡弗悲

蔡綺文

弭盜安民功侔太叔

尊孔救國智勝弦高

梁永祥

通世故達人情曾記定例備員壇坫折衝聲蜚香海  
稟仁慈秉忠厚詎料求醫罔效中西傷悼淚洒淒風

唐學庭

設聖教興義學闢墳場香島百萬僑民同沾利澤  
膺會長任議員當校董我公六旬事業見重華洋



事業已歸前輩錄

典型留與後人看

福和烟公司

史策應登耆舊傳

鄉閭頓失老成型

馮秋偉 周樂堯 黃東海  
歐寶容 陳錦源 林漢杰

時下數老成一殿靈光當日龍頭應子屬

生平尊長者卅年故我從今馬首復誰瞻

李佩瑜

事業付兒曹十載園林終撒手

死生有天命滿江風雨倍哀思

黃士元

未報前恩頓成永別

追思遺愛空有餘哀

梁 眞 黃惠南 蘇劍流

大雅云亡風淒粵海

哲人其萎兩咽香江

厚德祥 劉夢繁

有情恨天上鸞驂泰山其頽驚聞七月

無子推人中騏驥箕裘克紹應慰九泉

梁蘭亭男 鏡泉 灼鏞

大義輸財濟世急公誠不朽矣

流風遺澤行仁報德豈能忘乎

陳德洲 陳齊崧

時刻有餘哀與僑衆相關一旦遂成無限感  
春秋成定論任哲人其萎九原從此不勝悲

陸世珍 蔡潔貞

壽逾花甲之年有孝子有賢孫滿室芝蘭齊挺秀  
名馳香海以外爲仁翁爲善長一門姻婭共傷懷

杜才

公不讀古書言行動合于古

誰能測天命死生順受乎天

龍藻生 何岳巔 馮耀亭

持躬存厚道教子有義方當年難弟難兄一室太和上下感恩思雨露  
議政秉公忠經商操信守畢世矢勤矢慎五洲景仰中西懷德悵雲天

梅子惠

鳩杖授高年態未龍鍾何期上界魂歸是真仍幻  
鯉庭垂古訓言皆葑石留得人間典在雖死猶生

呂達生

大雅云亡舉世應傷梁木壞  
老成凋謝同人深惜泰山頽

唐子修

試看後日追思足見巍巍盛德  
回憶少年同學能無渺渺予懷

馮繩武

視富貴如浮雲此去泉台應瞑目  
保工商于爾日力維社會確真心

香溪公司

無伐善無施勞功德真難限量  
不求田不問舍規模洵足儀型

鄧華庭

先生遽爾騎箕令僑胞瞻仰無依同深悼念  
哲嗣誠堪跨竈使我輩追隨有賴亦慰哀忱

陳學譯

學海遠紹家聲一心宗素王雅望豈徒光穗石  
才名久傾政府七策用計子遊踪何遽赴鄩都

簡紹初

六十年學仰尼山天不假年竟使中流傾一柱  
三千里僑居灣島神傷落月空留餘淚痛千秋

許愛周

立孔會尊聖教創義學育英才方期壽享遐齡我國斯文休墜地  
捐鉅款籌公益授勳章彰美德何意魂歸仙界同僑熱淚痛崩天

陳斯靜

拯溺播仁聲劇憐名立身亡兩省災黎齊淚下  
捐資興義學詎料梁壞棟折三千弟子盡心喪

霍子常 梁閨之

名成海國功在鄉閭盛德自千秋又況克家有子繩武有孫泉壤間無復稍留遺憾  
痛切蓼莪悲深風木幾人能百歲業既事死盡誠養生盡孝苦塊下還宜少節哀思

佟展雲

是真學問人尊孔崇儒守道兼而衛道  
惟大英雄者救災濟困積財亦是生財

陳貢三

善舉編昭人耳目

隆名遠播界東西

梁文思

說不盡公望公才平生惟仰止  
尼山視區區博士榮銜原同屣  
棄真能得爲人爲子此後雖難承  
愛日宜拳拳聖賢善法永作家傳

梁西岩

實惠蔭華僑仁慈宛在

盛名留香海齒德兼尊

大有銀號

十三年仰仗芳聲大義分金能追鮑叔

四五日遽罹惡疾不仁造物竟厄陶朱

新恒裕 溫順天

香海渡慈航善果圓成應證佛

華商推北斗高風景仰共稱賢

關仲晃

賑災則捐欸禦盜則設防爲善必報詰嗣椒蕃生榮死哀公眞無憾  
尊孔以救國興學以培材種德無疆華僑棠蔭撫今追昔我有餘恫

福興輪船公司

疎財仗義樂善好施明德之後必有達人幸留文子文孫滿堂競秀  
興學育才崇儒尊孔兩楹之間忽來噩夢想見成仙成佛一例飛升

陳殿臣

以尊孔闢邪說以興學挽頹風公懷悲憫深心慈善捨資猶爲餘事  
於團局策安寧於商會謀聯結我欲追隨努力老成謝世孰錫良箴



阜元號 阮煥如

育才興學通商惠工社會久宣勞生榮死哀無愧色

兄友弟恭父慈子孝天倫多樂事家規庭訓有良模

梁卓臣 梁正修

疎才仗義久仰高風念當年家庭幸福足娛懷且笑看詰嗣蜚聲賢孫繞膝  
木壞山頽喪茲元老痛此日中外人民皆失色詎惟是商場惋惜學校追思

盧季博

澤被同胞造物不情摧此老

生逢斯世仰天無淚哭明公

永大號

教育乃救國要圖記我公慷慨輸將濟濟一堂留愷澤

忠厚是傳家盛德矧先生廉潔自守芸芸衆庶仰英名

關淮洲

與哲嗣締交誼深推轂撫遺骸慟哭殮尙憑棺痛偉人樂善好施救災捍患興學育才  
鼎鼎大名薄海華夷同隕涕

熱心籌公益虜鄙守錢抗志希聖賢道隆尊孔念頻年奠墳歸鬼弭盜安民聯商集會  
轟轟鴻業僑胞士庶永銘恩

永德銀號

華僑愛戴久洽羣情歷觀爲總理爲主席爲顧問與各局員傳誦口碑賸有鴻恩遍閱  
閱

香海耆英又弱一個迴念能興學能救災能疎財廣籌公益鑲鑄心版忽驚仙馭返蓬  
瀛

威靈頓街一百九十六號四樓

與令嗣講席相親夙聞訓秉椿庭昌尼山聖道澤廣薰陶有大德應享大年方祝期頤

躋上壽

賴我公前車先導忽報陰彫松院聯香島僑商會開追悼墓遺型空留遺像何堪涕淚  
洒西風

廣州市 閩華 中華

五福備箕疇輿論咸欽徵善果

七旬返蓬島徽章爭羨錫嘉禾

陳寶初

自奉齋施予宏若是存心憶當年桑梓關懷耿耿不忘大德

築墳塲興學校如斯濟世痛爾日人琴絕響悠悠永繫餘思

同益號 李壽芝  
廣益號 李壽南

力謀公益弭盜安良華商德之僑民感之生平仰止尼山迭挽頽風興學育才尊孔教  
就聘局員團防保衛艱鉅不辭榮銜不受此日遽歸蓬島永留遺愛口碑輿誦徧哀思

羅壽琪 仁壽號

作善蔭兒孫爲社會爲地方種下許多善因終收善果  
爲仁光史冊利商民利桑梓施行無限仁道不愧仁人

余紹裘 男 光灝 光洪

君眞公益熱心爲學董爲善長爲議員積德召天和更儉以約己厚以待人五福全歸  
無憾事

子克亢宗濟美若銀行若醫院若商會培才欣日盛況兄獲爵銜弟獲顯譽一門鼎盛  
有餘歡

高良和

慷慨尙義惠不小行豈甘日食萬錢但教槭樸成材菁莪育士  
恬靜寡言任當大董何意星沉七月忍說河魚抱痛風笛興懷

陳翼雲

喬蔭憶當年燕山有子名俱顯

芝親曾幾日秦緩無醫憾轉多

蔡惠霖 澤霖 漢霖

十年前先君永訣渭陽三箇孤兒資覆幬

七月間我公長辭香海滿堂孫子失瞻依

馮達衡

蓬島列仙班他年化鶴言歸老淚幾多哀祖國

香江留衆望此日騎鯨忽去傷心誰復挽工潮

王世蘭 王世良

捐資辦學助欸賑災胡昊天遽萎哲人誰不同聲一哭

五桂爭輝八龍婉美諸令子克承大業公應含笑九泉

梧州惟吉號 黃鶴池 顧裕欣

舊雨縈懷十餘年辱荷締交公遺德史

涼風蕭索數百里驚傳噩耗我寄哀思

余光福 陳鉄一

社會持平排難解紛萬衆瞻依遽失

典型垂範流風遺澤千秋感悼尤深

怡昌號

香島播鴻名痛宗邦兵禍方殷屬續當時難瞑目

蓬山迴鶴馭歎此地工潮未靖解鈴今後孰關心

汕頭陳業臣

碩望重商場大德耆年公眞不朽

噩音傳粵海同胞異域人表哀思

劉榮耀 富光宗

藉勤儉以創鴻基半生來術擅居奇方將籌度勞心湖海獨探范蠡秘  
憑康強而縣鶴算六旬外榮膺寵錫豈特頻欣點額逍遙久遂向平懷

胡竹平 僧男 樹昌 樹成

三世交深那堪噩耗傳來禺岫風霜愁若結

一生好善自有大名垂後香江雲雨澤長流

德祥號

公何往乎中元節後成長別

我之懷矣一老天胡不憖遺

陳贊臣

葉蘭泉 鄧崑山 曹暢軒 吳威南  
周雁亭 區紹初 區廉泉 吳逸朋

非尊孔無以救中國非興學無以挽頹風讀哀啓此言真堪實錄

委之局員職弗敢辭委之博士銜弗敢受有大功能讓幾見斯人

鴻德銀號 馮麗堂 程棣之 馮叔裕 程惠泉

名聞天下旆返天台方欣福備箕疇何堪此日招魂大雅云亡尙播仁聲留異域  
門表善人港稱善士正賴恩周禹甸豈料一朝抱恨老成凋謝頓教羣淚洒香江

雷玉衡

想當年棠棣交輝華夏同欽大德享大名從茲連類相推香海流傳垂不朽  
看此日桂蘭挺秀箕裘克紹善繼還善述詎料沉疴不起道山歸去動餘悲

祐記號 昌記號

厚澤遍僑胞通商惠工何爲天喪吉人魂歸蓬島  
平生攸好德培才樂善忽爾星沉異地淚洒香江

盧寶泉

令子共提携喜見椿堂娛愛日  
老成正親炙無端薤露感深秋

福記號 邱爾明



時局如斯未施救世宏猷誰云海國商場無多俊傑  
哲人其萎幸有克家令子獨惜香江善界少一仁慈

慶豐行

生奚足樂死奚足悲令望著香江十載園林悲撒手  
功弗勝歌德弗勝頌靈魂歸故土滿江風雨助哀思

捷盛行

惟公爲威風祥麟看他濟困扶危功德及人應瞑目  
諸子盡文龍綉虎此日傷心隕涕朋儕聞耗盡哀思

黃弼周

人生至七秩便稱古稀如公富壽仁慈施澤長留應不朽  
聖誕前一天適逢虞祭令我懷思感悼拈香未及有餘哀

信行金鋪

垂譽于來茲羣沾盛德

離塵而解脫共仰高風

金利源

實業宏興名馳商界

老成凋謝慟滿香江

聚德隆 黃鼎銘

負幹濟英才香島經營當世堪稱巨擘

綜生平義舉華僑愛敬而今頓失長城

趙超凡

重言諾喜布施盡瘁社會數十年雖素昧生平而情殷景仰何期疾抱河魚藥石無靈  
遽悼騎鯨西去

重倫常維聖道結交竹林三幾輩幸時聆雅教知學有自來此日哭臨白馬音容宛在

何曾化鶴東歸

普源公棧

以身付醫以事付兒山重毛輕何足論

貪賈得三廉賈得五鬻財廢著是吾師

王少瑜 王少平

仰公具胞與心愛國愛羣胡遽召修文百藥難延尊者壽

有子負賢良望善繼善述皆克繩祖武九泉應慰老人心

生生公司 福源公司

辦更練弭盜風四環受惠

輕利名重公德列國知名

泰源石叻庄

興義學拯災黎效法古昔聖賢常盡心力

挽頹風維末俗主張尊崇孔孟具大眼光

元茂行

公會口碑載途不待鰕生贅語

我獨心香一瓣有慚野老獻誠

聯益行

衛文興學卜式輸財義舉不勝書那堪天靳英材頓使僑胞驚失庇

三鳳齊鳴五龍濟美家風疇與婉太息星沉奇宿追懷桀範動哀思

戴伯愷

歷充太平定例團防等局員迭膺大任而弗辭方期天假永年長與僑胞謀幸福  
倡辦教育賑災醫院諸善舉屢輸巨資而不吝何意人生若夢偏令社會動哀思

王展龍 勞桂蓀

商場內有忠厚人鼎鼎大名香海至今猶感德

社會中行慈善事莘莘學子絳帷洄溯豈忘情

楊寶君 黃振雄

一去別仙凡何堪夜雨淒涼棟崩巨室

七旬臻壽考太息秋風瀟瑟潮咽香江

張德溥 伍需于

花甲老成人回思兩代論交車笠情深悵知己

林壬壽者相豈料中元節過孟蘭會後冷歸魂

安惠林 安德臣 安察理

厚福邁儔倫凡學界善界政界均賴提綱鶴化遽登仙島壤同懷君子澤

後昆多顯要合銀業商業醫業各推領袖鳳毛方濟美天南胡隕老人星

盧禮蓀

腸斷九迴方冀華佗能續命

心傷一哭那堪宋玉代招魂

鄭耀林 梁宗光

手創鴻猷居然名播香江此公應無遺憾

心存厚惠一旦魂歸天國僑民莫不含悲

簡孔昭 明泰號

君真婉迹前賢生死無關悟澈大千世界

天不憖遺一老典型尙在流傳多衆兒孫

廖子和

香島仰芳名與文郎道義相交知己半生得仗片言同九鼎

廬江遺厚澤詎今日音容遽杳懷人八月空揮餘淚洒重泉

林圃香

名譽播全球當年跡奮香江手創鴻圖光祖國

尊榮膺五福此日魂歸故里身騎鶴駕上楊州

大昌洋行 吳志澄 容義卿

商界著賢名溯歷充學董慈紳社會商民沾雨化  
香江談逸史留無限奇勳偉跡中西人士悼星沉

李殷權

奉教若嚴師何期駕返道山芳躅芳規心徒嚮往  
克家有令子共仰星馳薄海立言立志名尙留傳

程艷秋

有善畢彰道在尊孔

無行不義功推樹人

謙隆糖麵號

鐵嶺著賢聲義訓有方何遽音容傷永別

香江驚噩耗德徽在望頓教胸臆動哀思

嘉隆號

尊孔設學救世實具深心豈惟脩德行仁同欽大老  
辦團興商集會端資毅力正賴振頽起懦遽失斯人

怡盛隆

義氣徧寰球平生助助同羣鼎鼎大名垂宇宙  
英魂歸天國深幸繼承有子綿綿厚福屬仁慈

廣和號

齒德俱尊常守家規垂後嗣

典型具在能維商業益同群

廣華興 同昌泰

德遍僑胞徽留祖國



善行中外福蔭兒孫

和棧祥 和源興

五福備五常全先生有矣

六親和六行潔君子稱之

星發號

聞望早由香海著

德恩奚止祖邦沾

羅佐笙

見義勇爲香江留德澤

樂善不倦海國仰聲名

陳鳴初 劉福庭 劉頌齡

沈疴莫挽竟赴九泉追思數十年社會佈施事業仁慈垂萬古

天道無常不遺一老此日廿四行商場追悼聲名洋溢足千秋

朱有蘭

忠厚存心中外咸欽盛德

音容隔世士商空惜長才

嘉華公司

善心濟世美意延年胡乃耄耄難登寂寂斜陽天若醉  
律已維嚴與人無忤頓使典型在望蕭蕭落葉兩皆寒

黃文徵

論善事罄竹難書最奇皖簣彌留禮樂終身存古制  
歎後嗣充閭濟美尙記嘉禾寵錫榮哀遺愛在人心

協和隆 泰隆庄

興教育而培乎貧賤啓蒙義塾遍設香江詎料泰山忽頽學子成羣寧捨百身期續命

論慈善則恩及骷髏永遠墳場常留德澤倘或泉台相值靈魂千數應思再世尙銘心

黃文徵

法廬積學子敬疎財更難尊聖爲懷特挽狂瀾於旣倒  
司馬耆英陶朱富業胡乃脩文遽召誰作砥柱於中流

恒興泰

涼夜月光寒似靚福星歸水部  
長空魂縹渺何堪苦雨咽香江

粵慶祥

秋雨漲廬江潮咽數聲還鶴駕  
朔風來香島山酣一夢赴龍華

美盛庄

東閣雲飛大夢遽遊清淨界

南天星隕餘恩還仰太平山

滙英源

樹德行仁定卜鳳毛濟美

臨風隕涕應悲鶴駕超升

老廣訓

秉大道以濟時艱救弱扶危天胡不憖遺此老

樹多才而興學務捐資効力世應同慨失斯人

永裕祥

施大業正策精神羣羨老當益壯

濟時艱無遺心力何期天不假年

裕利隆

大雅慨云亡誰與世間謀善舉

老成猶在望祇從天外想芳徽

裕誠興

謀公益濟時艱功名垂後世

法聖賢崇道德品望仰先生

英盛隆

壽鶴東升仙杖遽隨雲路去

福星西逝童旛遙引洞天歸

盧益三

是商場鉅子

乃當代福人

梁松樹

遐邇具瞻咸羨芳名不朽

華洋同悼還欽後嗣克昌

廣恒安 何星橋

素性秉慈祥善以爲懷豈徒造福香江中外也同申景慕  
端身垂矩燠富而好禮遽爾歸真蓬島寰球應奉作規模

泰記號 馬卓勤

執紼萃昆弟親朋最難白馬素車華洋接踵  
登場歷議紳會董贏得大名偉績遐邇傾心

袁德芝

大業創香江致富鳴夷異數頻膺清祿秩  
盛名同北斗修文長吉古稀竟捨狄家山

東興隆

卓學生平大節莫如尊孔教而正人心有昌黎挽障之功自唐宋來誰與匹儔區區善

舉皆餘事

盱衡香島群豪祇可讓戴兄以爲巨擘抱端木瑚璉之器於貨殖傳當分一席濟濟後昆盡儁才

郭淡雲 郭鑑衡

爲社會服務半生景仰鴻名一國一鄉稱善士  
與哲嗣交遊有素傳來噩耗秋風秋雨寄哀思

梁弼予

紳曾定例顧問東華數十年造福僑胞利物濟人鼎鼎大名垂不朽  
員委借債會主商席廿餘載納交哲嗣型仁講義蓬蓬後起勢方隆

林慎之 黃菊生

是慈善家是實業家際茲百業凋零樑木遽推爲世惜  
有教民志有救國志獨惜橫流汜濫天年不假負公多

李杏堂 陳衍開

想當年同事綢繆慈善爲懷忽魂歸縹緲峯前轉盼迷雲空駐足  
憶昔日存誠周濟仁義在抱竟目斷逍遙路上難期舊雨共談心

協德洋行

譚榮光 區廉泉  
葉秀之 區朗軒

德佩燕山當年中外咸欽同申景仰

名揚香島此日蓬萊遽赴共表哀思

林始樂 王德光 周伯華 謝正芳 潘勵峯 駱文標 衛明階  
朱泗恩 陳少荃 盧學庚 盧仲雲 張榮昭 吳繼之 林藻慶

省察操存居仁由義

功名事業樂善愛群

范華臣

具歐亞碩學膺中外榮銜如公卓著經綸豈料鶴騎空有夢

登杖國大年抱安邦偉略恨我追隨杖履叨陪鯉對更無緣



馮江元

厚道著香江璞玉渾金君不愧  
薄游羈滬瀆素車白馬我遲來

歐陽虞階

富而好禮近代罕儔最欽義訓子孫名譽早如燕寶  
仁者必壽愛文研學遂使論聆羈客恨遺晚識荆韓

何華堂

公壽逾六旬方期海屋添籌五桂崢嶸長愛日  
我交經卅載慕聽蓬瀛返旆初秋時節拜遺風

慎生源 同茂號 義誠源

有澤於物有功於世

其生也榮其死也哀

羅 殿

初歲即勤勞駿業鴻猷可與陶朱比美  
中年方振起義槩仁粟永留僑衆餘思

怡和號

施計然之奇策運端木之精思羨我公譽滿香江永垂不朽  
爲社會育人才與僑胞謀幸福痛此日魂歸蒿里一哭同聲

均益號衆伴

捐學額辦學堂爲我國育英才世實罕有其匹  
衛商場組商會令港僑蒙厚澤天胡竟喪斯人

鍾熾南

公望公才久播遐邇香海星沉同太息  
子賢子孝早承色笑中秋月冷倍傷懷

歐陽民慶

旗嶺鍾祥岷生猗頓賢昆玉皆蜚聲歐亞公尤能策勵大群急慈善佐太平盛德應享遐齡試數我國名流當然鼎重

香江發迹媲美陶朱佳子弟均列席縉紳天胡不憖遺一老忠河魚微扁鵲哲人今留偉像忝附商場後進同淚碑哉

泰新銀號同人

尊崇聖教培植英才生前學紹尼山在貨殖傳應推鉅子銳意救災熱心公益身後名流香海論慈善家幾見斯人

沈惠霖

居紳廉正賢明花萼相輝且蘭桂騰芳猶期永樂家庭克臻上壽承教栽培親炙章弦時佩幸葭莩忝附追隨常從几杖痛切中心

洪耀墀

享六秩又七齡平生具有芝標慈愛宏施闔港同聲稱善老  
備九疇兼大德戚鄰忝叨葭末肫誠景仰千秋留譽屬斯人

蔡寶善 寶綿 子侄等

繼述有人九泉瞑目

大公無我百世流芳

蔡英輝 偉夫 慧民

升載契知交猶覺蘭言在耳

三秋悲永訣那堪楚些招魂

陸鐵生

道義仰儀型悵年來未及杖履追隨鶴駕忽歸殘月夜  
葭苕群悼惜痛此日空慨老成凋謝鵝潭驚咽夕陽潮

陸燕常 率子

學熙 學淵

學燮 學潛

學鈞 學沂

超常

道德足千秋子孝孫賢內外葭莩殷仰止  
聲名留百世福全壽永中西故舊表哀思

施燦光<sub>子</sub> 玉焜 玉銘 玉鑾 玉瑩 玉驄

問社會幾輩如君記曾議例當年通民隱達民情善德好行無怪港僑悲義士  
論滄桑許多見地憶惜談心時事觀世風知世變急流勇退不徒姻誼仰高人

陸麗川 陸堯峯

壽逾花甲有餘看此後文孫繼起喆嗣疊興蘭桂騰芳揚令譽  
德爲香江所仰想生前興學育才博施濟衆梓桑蒙利著賢聲

榮發行

興學育英才尊孔崇儒詎料人琴悲縹緲  
克家稱令子繼志述事應知世代衍蕃昌

王維溥

興學著賢名竟教黃土長埋不遺一老  
施恩宏博濟胡乃蒼天太忍忽喪斯人

黃汝剛 健芝

論善事有口皆碑即今法服殉身大義凜然端委開吳追秦伯  
問哲嗣如公何憾縱使刀圭飲恨榮名不朽鑄金遺越仰陶朱

道範女學校劉森

南極星沉泰山其頽厚德如天莫報

西方魂去泉台何處高情沒齒難忘

廣發榮

洪範五福周雅百鹿公乃咸膺今雖鶴駕云遙貨殖足光新歷史  
天保九如華封三祝翁洵備至猶幸鳳毛濟美富書詒厥大英豪

阮玉輝

一老不遺蒼蒼者天道誠難測  
哲人其萎悠悠我思心有餘哀

梅文甫

實業大家公不愧矣

人群善士名何朽焉

源豐號 周廣大

痛聞駕返瑤池廻思往日音容慈善爲心廣育人才無怪聲名洋溢  
難挽槎回香島默念當年德澤博施立願常謀公益咸悲柱石傾頽

法國東方滙理銀行辦房同人

保障漢人宛似蕭何定策

瞻掾華族有同道濟宏施

和綸號

華表倘歸魂中外僑商放聲一哭

靈丹難續命東西醫士束手同嗟

明記公司

世變詎堪論固應獨有千秋當茲宇宙泯棼已覺此身同幻夢  
天心何太忍竟不憐遺一老以後華僑飢溺憑誰藉手障狂瀾

協吉號

厚澤普僑商從今香港偉人未免左方虛一席

沈疴窮藥石致令閭閻巨子空思西極吊三魂

黃瑞庭 何本昌 何海東 何澤林

香島仰仁人作客乍驚傳噩耗

鐵城喪此老趨庭猶幸嗣賢郎

同泰號 廣生利



大雅云亡華僑隕涕

老成凋謝朋輩傷心

李芝慶 楊子芳 楊潤生 何植生 何弼庭 何贊幸

議西國政習西國文亂事賴維持堪嘆老成遽凋謝

尊孔聖教行孔聖道頹風期挽救詎知大雅竟云亡

梁官勝

騁停蓬島鶴馭華胥更番落月屋梁太息伊人何處

香海論交市民仰望一樣花環芻束空嗟逝者如斯

同發號 同餘號 同興號

善事在公爲緬香海老成猶如昨日

奇才維楚有願梓邦後進繼起仁風

順泰號

一笑駢箕海外難求不死藥

幾人撫笛山陽猶有未歸魂

容兆焯

痛羣僑陡失長城彌留尙決策割癰洵足廉頑立懦

忝末座曩培玉樹倏忽便憑闌瞻像何堪苦雨淒風

公慎昌

公眞善士仁人中外知名即赴泉台應瞑目

我亦華僑旅客商民戴德倍傷香島未歸魂

湯信

一世極慈祥太息西風秋半咽

畢生無疾苦劇憐南極夜來沉

陳儉堂

五福羨榮名  
文子文孫克繼芳  
徽還有衆  
三秋驚噩耗  
式金式玉能如雅範幾何人

呂壽山

碩德著華洋  
樂善好施遺愛也  
應留大陸  
英魂歸縹緲  
得因証果謳思豈僅在香港

陳雲波 呂耀南

商界久稱雄  
實在名歸能有幾人兼此福  
浮生真若夢  
山頽木壞咸瞻遺像輒傷心

馮秋鏡 秋相 秋楫

苔苔聯先代之歡  
羨公壽享懸車議例幾經年  
香海口碑留百世  
薤露動人亡之感  
幸我門登通德追隨思曩日  
華堂杖履足千秋

天成公司 李百川

以商界鉅子作慈善大家見義勇爲奈何天不遺一老

助旅港華僑維社會公益當仁不讓如此君已足千秋

廣豐號 李部陞  
來安號 黃禧甫

德澤遍施豈僅榮名揚社會

形神雖逝尙留善舉普華洋

萬發成 莫麗生

生性重培才不忘膏火相資荷戴終多窮學者

促醫求己疾豈意難撕一割刀圭還悞老成人

梁瑞蘭

畢世好施助學費恤商艱蠡傳光增卓有大名留海島

一門濟美承賢昆撫令子箕疇福備應無遺憾到泉台

羅錦洲

羨君生有美名誰云海國商場無多俊傑

令我死猶記念太息香江善界少一英雄

何焯庭

處世執謙恭謫謫仁言徒留在耳

化身歸極樂茫茫寰宇空賦招魂

順隆號

龍伯倫陳殿臣潘翼文潘綽餘  
潘曉初龍殿岐梁壽尙

慈善則辦教育則興惠澤及僑胞晚恨荊州一識

壽富是膺道德是尙康寧考終命早赴洪範九疇

廣安和黃瑞麒程聘之  
廣和黃瑞麒林頌名

壽世慈祥富貴不驕尤矣華洋生景慕

涼風簫瑟夢魂何處況來風雨助悲哀

雲南孫慶泰號

美德統公私善果長貽惠澤依然留粵嶠

大名溢中外生芻蕘吊哀思何止寄滇池

廣州灣法國東方滙理銀行辦房

位列參議職任保良洵哉賢者多勞香海同胞齊仰望  
實力辦團熱心興學痛矣哲人其萎華僑大眾倍悲傷

安樂園有限公司

爲僑民謀教育爲地方策安全數十年慘淡經營勞怨能禁何期天不假年令人永恨  
以仁義作規模以忠誠當銘訓半生來慈祥和霽中外咸服遽爾魂兮歸土與世長辭

黃澤民

是商場巨子實業偉人大樹痛飄零問中流誰作砥柱

嘆藥石無靈刀圭乏術淒風感肅殺最傷心我悼老成

南海沙頭鎮盧奉思堂紳耆暨港僑等

死去作修文椽何堪同族動餘哀

陳非儂

小子習優伶寄懷豪竹哀絲聊當望風來下拜

老成痛凋謝遍布義漿仁粟何堪歸夢想依稀

福棧號

香江著奇動作楫才高有金剛本相菩薩本相

鐵城留碩望蓋棺論定是商場偉人紳界偉人

慎泰源 何湛平

修身齊家常留模範深仰英才濟濟同聚一堂力謀利益于人群別具心腸一副

賢孫孝子克紹箕裘堪羨瓜瓞綿綿齊膺百祿忽返夢魂于仙府空教涕淚雙揮

區仲吾 羅叔明

仰我公厚德謙和惜泰斗徒瞻竟未片言面叙

與哲嗣盧懷接洽悵山河遠隔空餘一瓣心香

兆和號

樽酒言歡春樹暮雲空入夢

人琴已杳高山流水少知音

廣永興 黃蘊儒

耆碩同欽平時席厚履豐極多利物濟人之舉

老成長往此日福全德備長蔭光前裕後之型

譚雪友 呂棟華

同溯當年籌善舉以衛衆僑我公軼事流傳斑斑可考

何期今日拜遺像而思大老吾輩中心景仰耿耿難忘

瑞昌皮號



倡國貨挽利權偉業能成不愧仁人慈善  
賑災區建學校善緣廣結應知後嗣馨香

和合號

戴德難忘空谷深山徒隕淚

招魂何處素車白馬倍傷心

黃樂平

仰公雍睦克召天庥豈徒花萼聯輝承訓尙多後起秀

愧我愚庸謬叨樾蔭太息柏松不勁哀思常憶舊時恩

馮漢強

北斗星沉此日僑商齊下淚

西天月冷何時善士始歸魂

鄧介石

誠心尊孔毅力興商軼事應編奇俠傳

濟世施恩救人樂善遺風足勵守錢奴

福壽號

時局如斯生奚足樂死奚足悲看他桂郁蘭芳福壽且樂怡怡公真無憾  
哲人其萎功弗勝歌德弗勝頌致令名流鉅子追悼今來濟濟我亦同情

廣源盛

心地仁慈胡遽泉台魂渺

襟懷豁達何堪香海風淒

泰順昌

撒手棄紅塵一旦靈魂歸淨土

芳規留赤柱千秋遺愛在僑民

華安行

賢公訓子有方胡藥石無靈魂歸一旦

君子愛人以德幸箕裘繼美含笑九泉

楊西巖 余斌臣  
謝樹棠 顧伯澧 邱頌濤

好善素稱公遺愛猶存何堪噩耗遙傳香島咸驚失長老  
貽謀欣有嗣流風宛在差幸群材蔚起燕山堪比慰仁人

李叶賓

噩耗傳來商界明星遽隕

斯人逝去香江冷月空懷

錦昌號

世事太無常何堪月冷香江鷗波鳴咽

音容今宛在竊嘆風淒玉宇鶴駕依稀

順記號

世事已無常感懷大志

音容何處覓恨望斯人

姚鉅源 何夢樓

舉總商副會長充定例局議員想此名永垂不朽  
培養學界英才謀設社團公益微斯人其誰與歸

潘 詠

品敦金玉德洽圭璋駿績昭垂名望應留僑衆口

芳毓蘭桂學通中外鶴驂歸去典型頓失老成人

祥興號 黎顯文

哲嗣並英才繼志如今欣有子

浮生同夢幻知交此後更誰人

區祥記 張瑞雲

日壽曰富且康寧九疇允推全福  
得名得祿由大德萬國遠播賢聲

萬益隆 麗華號

有老成典型況平生多結善因積福應留桑梓蔭  
登極樂世界從邇日驚傳噩耗貽謀預卜桂蘭芳

趙顯揚 趙聖級

明哲竟云亡想生平善操贏能貨殖崇聖訓利後人子盡奇才我深仰止  
老成傷凋謝溯當日興教育惠士林策公安護僑衆君眞善念群切悲傷

吳昌倫

我忝與阮郎論交稔知積善育才深慶僑胞資倚庇  
公竟向菩提証果太息山頽木壞仰瞻遺像動傷悲

錦昌行 郭禎祥 陳轉生

興學校以育人才名垂不朽

解善囊而濟窮乏德普無疆

生隆洋貨正頭號

不諱疾豈忌醫肝膽輪囷與人共見

欲補創難剜肉胸懷抑塞令我生悲

永裕和行

富善仰高風香海同悲俄撒手

英靈歸故土秋江棖觸倍傷心

壽草堂

造化太無情遽然薤露空歌令僑港同人齊聲一哭

塵寰纔撒手同顧工潮尙湧想我公九原遺恨猶多

李輝舫

大局如斯那堪祖國河山心傷不已

招魂何處每對香江風月淚洒偏多

黃漢樑

輝聯華夢是經濟大家是慈善大家夏棟析中堅頓教社罷四環遺愛在人咸擬冶金  
鑄范蠡

蔭普桂枝爲精明鉅子爲強幹鉅子箕疇膺上壽忽報天摧一柱招魂何處漫從湖海  
吊元龍

昌陞輪船辦房同人

興工藝挽利權操奇握算大展鴻圖太息五紀光陰沒世徒傷蚨蝶夢  
建醫院設學校樂善好施咸欽駿德詎料三春風雨銷魂淒聽杜鵑聲

香港 五洲銀號  
裕生源莊

于人于世于己各無慙練團弭盜興學育才卽聽道路興歌萬禩留名標赤柱

立德立功立言三不朽議席風生善門露重何意典型頓失千秋遺恨在香港江

瑞記糖號 盧逸雲

難爲弟更難爲兄方欣慶衍一門玉樹芝蘭齊競秀  
必得名宜必得壽何意病纏半載刀圭藥石總無靈

符企周

道宗東魯學本西歐當此人慾橫流力仰尼山屹末俗  
賈奉南針商承北斗遽爾仙遊歸去淚零香海哭先生

百全堂

能興學救時教育被貧民不盡樾陰留永蔭  
以行仁得壽儀型尊大老何堪薤露泣悲歌

李樹芬

一門蜚譽華洋更羨多才齊跨灶



半世熱心社會忽聞噩耗遽騎箕

百隆堂 萬隆堂 福源號  
義昌和 廣安昌

仁風普扇利社會民生有口皆碑長戴福星光海甸

淨土遽歸如夢幻泡影側身何所同傷舊雨祭天涯

唐兆麟 誠濟堂

總統錫嘉禾樂善好施遐邇仰芳名最好桑榆娛晚景

交游傷玉樹掬誠追悼華洋覘肖像何堪蘭桂泣秋風

薛平海

大德同欽嶺表殘雲同慘淡

老成遽謝香江流水總淒清

楊敬菴

公眞樂善好施造福商民懷往日

我亦傷心泣涕感懷泰斗挹高風

林 護

是誠惠人扶危濟弱

宜垂後嗣源遠流長

陳蒲軒 男 蒲生

累代慈祥有其父必有其子

頻年變亂又傷時局又傷君

何穎泉 男 連元

富而無驕乃能仗義疏財當時偉績同聞人群欽仰

恭而有禮惟以善交久敬斯人道山遽返朋輩追思

廣州福信號

大雅云亡五嶺風聞同太息

老成凋謝萬人雪涕有餘哀

永興行 馬詩傳

卅四行會務紛繁前席籌商賴有賢郎爲領袖

六十載精神矍鑠一朝溘逝空教晚輩仰遺型

楊百潛 黃少榮

博愛爲懷不懈始終我同胞再求布得

榮勳垂後有人繼述大丈夫雖死猶生

何滿生 何秩生 何實生

公遽長往乎何堪同輩哀思愴懷先哲

吾安適歸矣空對遺容肅拜想像前徽

吳漢秋 陳鑑之  
洪幹臣 彭紹庭

律已惟勤無限深情敦友愛

待人以德有餘善量仰仁慈

黃裕發 黃璧良 黃君重

處富貴而不驕見義勇爲樂善好施無限量  
嘆老成竟凋謝居今稽古當仁不讓有餘思

生源號 源棧號

駕返鶴車性善量宏懷夙範

德垂燕翼孫賢子孝振家聲

亞洲靛精染料公司

尊孔明教樂善好施近代富人非易得

沒世留名克家有子從今天國可長安

義合源 關汝駒 倫玉階

高不危滿不溢

均益號 李瑞松

經濟聲名留粵海

慈祥品性著香江

雷洲裕棧號

由赤手以成家一生慈善好施論理應規仁者壽  
向素幃而頓地太息儀型長往愴懷空令衆人哀

綢玉屏 景祥

商界殞雄才記曾面命當年詎意臨風空墮淚  
華人經代表誰不傷心此日悵懷何處更招魂

李幼泉

唯公合夷清惠介標三古丰裁何期東山屐冷北海樽空到于今淚洒挽歌桑落酒開

酬苧像

哲嗣是薛鳳荀龍第一流人物爭奈風木銜悲蓼莪廢讀曷禁得哀成毀瘠荻花風悄  
入麻衣

紹源公司

哲人其萎乎痛商場又弱一箇

老成凋謝矣問蒼天何忍無情

怡隆興咸魚欄

德享遐齡端木長才嫻貨殖

公膺碩望太邱耆宿動謳思

梁家幹 黃少萼 黃廣威

慈祥愛物樂育作人方期椿茂蘭芳常著勛名垂百粵

齒德俱尊華洋共仰詎料山頽木壞慘聽風雨泣三秋

廣安祥 黃明宣 李孝坤

歷年博施濟衆義氣遍寰球追思助助同胞柱石能堅維祖國  
此日生榮死哀英魂歸蓬島深幸繼承有子箕裘克紹屬斯人

褚俊乾

富者能仁真是英雄本色生平興教育謀公益培材救國挽頹風博士榮銜誠足配  
大德必壽何期天道無常忽爾喪英魂痛懷抱入室登堂申鄙悃神交情感曷能忘

昭信公司

是社會慈善家胡爲菊徑荒源喬陰莫仰

爲商界創業者遽爾蓉城縹緲仙馭難廻

鄧文藻率子孫等

興學興商斗山望重

愛民愛國柱石功高

李杏初 曾瑞田

疇昔駐行旌猶憶談心江閣夜

此時傳噩耗不堪回首嶺雲秋

李祥卿

重公德輕私財南國楷模此爲巨子

處異邦揚聖教中流砥柱遽失斯人

陳煥之

憶曩歲滬濱聚首舊雨喜重逢隔別幾何時豈期處士星沉黯然魂返香江月

想去年海外歸帆高風徒悵望浮生如夢幻忍見長庚彩隱太息聲傳歇浦潮

楊雪峯

魂來兮願領生芻一束

仙去矣猶留芳桂數株



羅竹齋

時局正艱難賴公宣德達情忽聞噩耗傳來太息僑胞淪痛苦  
春秋多責備愧我輕才陋識方冀餘光遠照蒼涼旅邸失瞻依

區澤森

公爲輔世長才常垂德蔭

我愧匡時乏術徒仰典型

謝傑三

商業貴持盈幣政夙承當道重

民生多隱痛金融裕計市廛寬

朱子卿

遺愛在人此日悲歌思樾蔭

克家有子當年壯志付蘭孫

李澄秋

碩德有完人拯溺救荒模型不朽  
廟門多善果捐資助學德澤長留

曾恩普

我亦質直如公最喜席閒聆偉論  
今竟塵寰隔世是誰海外挽狂瀾

黃海籌 黃崇德

五福備箕疇澤遍僑胞贏得榮名光史乘  
滿庭多玉樹功留梓里幾曾沒世誤儒冠

關佐臣

爲貨殖奇才作商場鉅子  
辦慈善事業具菩薩心腸

郭伯鳴

爲祖國宣勞公眞健者

作僑胞普蔭我亦群生

楊鎮英

見義勇爲名留海國

好善不倦惠在僑民

鄭習經 許克臣

蓄德行仁錫爾福祿

蓋謀碩畫遺我典型

李文啓

碩德悵云亡銘公竹帛

老成嘆凋謝留我儀型

新榮昌

宣德達情關懷祖國

好施樂善遺澤鄉邦

蔡杏南

商界久蜚聲榮譽至今騰海外

德門多繼起貽謀從此弁人群

萬瑞慶 鄭瑞甫

哀亦爲樂試看素車隨白馬

富而好禮何堪華屋瞬山邱

朱樹南

哲人其萎梁木其壞

脩身在己遺愛在人

永興祥

是東華善長亦商界偉人中外早知名方期福鹿永康允矣衆流同仰鏡  
既明哲保身復積功延壽親朋多眷念胡遽河魚罹疾嗚呼一痛竟登仙

承興正記行

宅心仁厚處世謙和他年迴溯知交赤柱暮雲相見少  
弭盜辦團育才興學異日追談議政豐碑殘照去思多

美豐號 鄧景雲

哲人其萎乎羨大年已近七旬福壽兼全那堪瑜珥盈堦療疾莫收苓朮效  
浮生若夢耳驚噩耗忽傳二日老成凋謝此後耆英赴會臨風頓失斗山瞻

乾德號

無情是天上鸞驂泰山其頽驚聞七月  
有子乃人中騏驥箕疇克紹儘慰九泉

永生號 梅次芬 關秋雲  
梅蘭譜 梅劍泉 關紫雲

雲路仰天高駕鶴竟隨黃石去

風庭悲月冷束芻空悵素車來

南記庄 林美利

菊圃藹清芬方擬小山叢桂

蓉城速仙駕相將一束生芻

裕興隆盛記

定例施仁興學施義尊孔以維國教捐賑以救國民溯我公胞與爲懷積功種種  
待人尙讓脩己尙廉飭躬以肅家風垂訓以崇家法嘆此日考終厥命洒淚滔滔

維新銀號

重言諾喜布施生平修德行仁衆望同歸胡砥柱中傾頓使僑胞驚失色

維公安興教育泐溯保商養士群情共仰聽口碑路載每懷愛澤動哀思

瑞吉號

惠華籌公益衛商閭則創更練組商會則資聯絡更感商民諸旅櫬則拓馬鬣之墳塋  
生順死安載道口碑滿粉梓

尊孔具熱誠助大學以育英才興小學以端蒙養復佐中學于皇仁以廣鴻儒之陶鑄  
山頽木壞傷心涕雨灑香江

大成造紙公司

捐學欸則有港大有皇仁有澤生慷慨輸將慇懃教育彬彬多士庇厦宇之幘幘佇看  
俊傑振興社會英才皆蔚起

被推舉曾爲局員爲總理爲顧問發揚民隱上達輿情榮榮鉅才混華洋之扞格詎料  
老成凋謝中西人物並傷悲

張文卿

五嶺南代有偉人心醉歐風乃捐資助學救災卹鄰拳拳大端久已如雷貫耳

一霎間喪茲元老涕零舊雨當孝子滿堂慈孫繞膝哀哀生我竟難愛日留暉

蕭穎侯

政務洋務治劇理煩生平戢盜安民又能興學育才博士榮華辭不受  
議員局員担勞任怨此日瞻風仰望太息騎箕跨鶴老成凋謝悵何如

郭介卿

令聞遍商場是貨殖傳有數人物

熱心在公益留社會上無盡哀思

兆昌榮

抱經濟之才能不愧商場獨出

嘆老成之凋謝雖然沒世猶生

粵華隆

久矣大道亡羊尊孔如公怪得燕山多桂樹



東 見 金  
陡爾仙人騎鶴避秦何處料應彭澤有桃源

廣祥生

犧牲心力糞土金錢宏願濟衆生令我卅四行商幘幘永賴  
懦夫養癰壯士握腕決計除後患詎意三千廣厦棖棟旋傾

何炳記 程樂軒

卅四行棋布星羅惟嗣君能挈其綱全賴趨庭常受教  
六十載形端表正以餘力溥施厥惠遽然撒瑟共銜悲

譚傑生

崇聖道組商會設義塾見善則遷半生來爲交友服務遐邇咸沾庇蔭  
建公墳賑水災辦團防當仁不讓數十載謀僑胞利益中西共仰典型

茂生堂 程逸亭

爲港地興學育才際茲道德良微不愧中流成砥柱

有後嗣紹箕肯構預祝門閭光大詎徒積善繼華簪

南盛莊

赤柱著賢勞譽馳中外

青邱歸鶴駕世失典型

伍仲垣

躬自厚而薄責于人泰而不驕澤施僑旅

富好禮而達不離道義以爲利德遍香江

李達三

溯生平創學辦團善舉許多數十萬僑胞咸欣愛戴

立宗旨崇儒尊孔人倫爲重二千年聖教胥賴提倡

通合正頭莊

爲華商會長爲定例局員畢世具熱心雖勞弗怨

有令子克家有賢孫繩武九泉應瞑目即死猶榮

梁藝甫

公眞品性慈祥方期克享遐齡胡爲不假永年遽歸大暮  
我亦愴懷涕泣此後莫聆渠誨空令仰瞻遺像悽咽酸風

謝達明

執紼三千共仰仁人善士

捐資五萬多裨後學英賢

劉保初

穗石災黎曾沾駿惠

香江僑衆歷荷鴻庥

關翼之

當年面晤傾談翹首斗山共事朋儕推此老

今日會開追悼愴懷桑梓同舟風雨助何人

楊業園

職充議政局設團防義公力任仔肩造福華僑多利賴  
總理善堂提倡義學有子今能繼志關心民瘼普慈祥

葉舉

桃李春風百年遺愛

蒹葭秋露一水遐思

大興油店

是大慈善家是大實業家方期永享天年力爲群倫謀幸福  
可入貨殖傳可入游俠傳遠報長辭人世誼關摯友動哀思

沈湘波 黃柳門

澤及枯骨創設永遠墳場俾華僑各正首邱不邇遺于香島

粒我蒸民拯救沈淪潦水令同胞齊登衽席竟遠及乎天津

大成船公司 文麗堂 文雲生

正看花萼聯輝忽然推折一枝同深悼惜

幸有蘭桂發秀立見敷榮滿樹自足安魂

盧洛疇

有子總廿四行商大業盛名洵可繼

作友叨十年友誼秋風夜月正堪悲

陳樹楷

瘡痍困苦聞者傷心惜公一副肝腸每爲僑胞披瀝盡

山嶽崩頽途人泣淚此後滿城風雨應知世路保存難

劉星昶

公益著賢勞英廷見重僑衆推崇善舉播遐方言必忠信行必篤敬

典型堪表率文梓蜚聲孫枝挺秀仁人昌厥後其生也榮其死也哀

逢鼎臣

想當年澤及困窮仁粟義漿盛德時銘五內

到此日會開追悼素車白馬遺型誠足千秋

張寶樹

半子誼深公竟不留德業音容空想像

丈人星殞吾將安仰寒林秋水更悲傷

羅文惠 羅文浩  
羅文錦 羅文顯

丈誠香港耆英志切育才心存公益扶危濟困遐邇咸知大雅云亡應灑淚

我乃葭莩晚輩恒叨教誨更賴關存戴德感恩始終未報老成凋謝倍傷懷

謝家寶

爲議局員爲商會長望重香江况經壽屆古稀又羨芝蘭能繼美

是老姻翁是賢伯丈情深貳室太息魂歸大暮那堪蘿葛失喬陰

蔡寶耀

舅家昆玉近挹高風痛失老成人壻水分流都有淚

香海靈光群推長者已推賢哲嗣泰山折翼益傷心

渣甸辦房同人

宏博施願富公益心是善界偉人羨數十年游戲塵寰德被同群咸倚重

抱經濟才具策進志爲商場巨子痛三兩日遽歸蓬島訃聞外寓益淒其

滙豐銀行辦房同人

憶昔年代表華僑樽俎折衝中外推崇欽碩望

悵此日遽歸仙島老成凋謝親朋惋惜動餘哀

有利銀行辦房同人

文郎素詡克家矧徵池犬呈祥寶氣霽和山譙合

仁者古來稱壽其奈河魚爲祟福星光向海雲沉

新沙宜辦房同人

宅心以正處世以和思幾番領表華僑功績至今留島嶼  
身有賢名家有令子嘆升載追隨哲嗣感懷何忍判仙凡

大有銀號職員

東道感知交方期壽享遐齡式我遺型常領教

克家多令子詎料醫纔數日驚聞噩耗倍傷心

渣甸東倉同人

哲人雖萎盛德猶存嘆此後善舉提倡又弱一箇

大雅云亡厥功未泯只平日維持公益已足千秋

裕利源行同人

崔蘭蓀 岑介明 劉仲軒 黃振基  
劉宜邦 莫銳明 黃樂平 蔡國川

招福成等

我真隕淚難收憶從賓主結合而還情無不切誼無不關方期大雅長留餘澤尙孚僑



衆望

公亦息肩太易當時勢紛紜之會內政待參外交待決一旦修文遽召感懷豈獨港人悲

赤裕發莊同人 鄧善卿 鄧勳臣 曹振餘 龐吉祥  
坎 龐璧如 李錫藩 周煥章 鄧爲仕

既富具貴奚足奇希但觀忠厚篤敬溫厚慈祥可以風矣

生榮死哀同深景仰難得子孝孫賢弟恭兄友其無憾乎

苞同安堂 裕利源 均利興 宏偉號 鍾佐庭 梁譽臣  
行 恒興號 同興號 瑞香園 吳昌倫 譚心銘  
昌隆號 生發號 麥伯沅 譚卓卿 曾月池

竹帛紀殊勳仰我公溥惠人群豈料遽隕台星港地英耆痛折擎天一柱

桂蘭培後嗣爲同業經商領袖于今愴懷燕嶺秋風涕淚空悲薤露三朝

尹玉書 沈香林 邵根 朱叙甫  
林介平 蕭耀裳 古達文 陳偉賢

上壽考終星沈南極

仁心廣濟福蔭後昆

黃金福男

錫沼 錫燮 錫權 錫松  
錫霖 錫樞 錫漢

奇傑萃一門難得輝聯棣萼秀茁芝蘭忽聞噩耗驚傳公遽騎箕身寂滅  
壽齡逾六秩生平誼重葭莩材儲棧樸今竟交遊永訣我來執紼淚淒清

羅長業男

文彬 孫國雄  
文輝 孫國興 國衡

大德必振興喜看蘭桂齊芳盛德如君應有後  
浮生原夢幻况屬葭莩末誼衰顏似我倍難堪

羅長肇

與我最相親誼屬葭莩情逾手足素藉提携指導舉宅蒙恩胡遽飲恨騎箕誰復典型  
式我

敬君眞長者慈祥愛物忠厚待人力倡興學博施環球馳譽宜乎繼承恢緒孰能德望  
如公

張沛堦

舊事倍傷懷痛早歲鏡分女弱兒難教善幸承半子深恩能有幾  
遠方殷結想驚一旦騎箕山頽木壤典型安仰此時情愴更何言

華德元男 理民 愛民 禮民

申海亟言旋記曾視疾椿庭方幸天相吉人頤養百年仍健在  
香江纔話別忽報歸真蓬島太息風摧梁木愴懷半子倍傷悲

兄曉生

半生締造艱難仗輔翼賢勞肇啓家規同氣蟬聯償夙願  
一室太和翔洽矧履躬端厚儀型倫表傷心雁折咽悲聲

弟啓棠

去秋喪姪今歲亡兄一年中老淚未乾天胡此酷  
休戚相關居游與共三日內微疴遽逝我獨何堪

輓軸

名留千古 徐紹楨 王 棠 高煜廉

福壽全歸 江孔殷

策勵羣材 吳遂初

昆垂裕後 凌福彭

老成凋謝 鄧文藻

人琴增慟 卓翼堂

老成凋謝 歐陽惠昌

高山仰止 陸佐廷

白榆星暗 熊少豪

福壽全歸 邱偉臣

德望猶存 黃少洲

典型尙在 客幫聯合會

哲人其萎 東生和 方秩臣 方郁生

名留千古 潘翰良

碩望常昭 潘作楫

秋水人遠 甘作蕃

福壽全歸 道範女學校劉森

老成凋謝 陳英

其人如玉 熊畧 岑濤

一瞑千古 徐紹楨

死而不朽 王棠

跋

何公澤生秉性仁慈持躬篤信於心無忤樂善好施慕  
尼山施教之風具卜式輸財之慨綜其生平行事舉凡  
興學救災保良弭盜築墳塲建校舍博士之榮銜不受  
華商之總會贊襄定例局則膺議員大學堂則當董事  
諸多善舉罄竹難書而雜伐善無施勞尤為彰彰在人  
耳目僑民仰賴中外欽崇是宜天相吉人誕膺多福優  
游杖履永葆餘年胡遽染微疴竟窮藥石彼蒼何酷竟  
召修文雖婦尚齊眉兒多繞膝人云名在生榮死哀而  
華僑數十萬心遡聽訃音如喪考妣無論識與不識均

惜其大丰不享痛切五中然而生者心之始死者心之  
終古往今來人誰無死死得其死留其名則雖死猶  
生如先生者可以含笑九泉無復遺憾矣丙寅八月  
念六日香港廿四商行聯合會開會追悼素車白馬聯  
翩而來祭輓輦章哀感備至同人等集成一帙用誌弗  
緩紀念善心馨香百世爰跋數語聊伸代表之忱爾  
香港廿四商行聯合會司理盧煥初謹跋並書

勘誤

本錄校對頗費時日然不免有失檢之處殊深歉仄茲將已經發見者列下

第十四頁 陸文潤改陸文瀾

第十五頁 霍兆桂聯「心酸」改「酸心」

第廿五頁 楊一新聯「豁」改「諮」

第三十頁 甘作蕃聯「綱」改「網」

第三十二頁 廣同興聯「床」改「麻」

第三十七頁 厚德祥聯對首有無二字互調

第七十四頁 盧洛疇聯「作友」改「作客」



C 470,498